



Pagina 5

Salario na Aruba no ta atractivo: Escasez di personal na hospital ta afecta calidad di cuido



Pagina 4

- **Diferente cuestionamento riba loke ta un maneho nobo pa migrantenan**

Pagina 3

- **Unit Narcotica a detene 3 persona y a haya un cantidad grandi di cocaina**

Pagina 2

- **GroenLinks-PvdA ta pusha pa Hulanda hunga un rol den crisis di cuido di salud na Corsou**

Pagina 8

Parlamentario
independiente Rycond
do Nascimento:
Corupcion cu traspaso
di permiso di taxi



Pagina 6

Taliban ta rechasa
preocupacionnan tocante
leynan prohibiendo hende
muhe usa bos of muestra
cara den publico



Pagina 23

Na TUI bo pasashi tin mas balor

• Calidad y prijs sorprendentemente competitivo
• Servicio personal
• Escogo flexibel den ekipahe y comodidad di asiento

Scan e QR-code pa mas informacion

BAKI DEN BARIO HOOIBERG

31 augustus 2024 | Indian Rock Garden | 7-11am



www.limpi.aw

Limpi
Limpi

Despues di un aña di su lansamento, proyecto “Veilige Barrios” a organisa 51 actividad pa diferente grupo den comunidad

Aña pasa ministerio di Husticia y Asuntonan Social a lansa e proyecto “Veilige Barrios”. Pa e proyecto aki Gobierno di Aruba firma un MoU cu tur e centronan di bario y CEDE Aruba. Durante un conferencia di prensa ayera mainta, minister di Husticia y Asuntonan Social a elabora mas tocante e proyecto y kico tur a logra cumpli durante un aña cu a pasa despues di su lansamento.

Minister Tjon a splica cu e proyecto aki ta consisti di aporte di diferente ministerio y ta enfoca riba diferente grupo. A traves di e proyecto aki a percura pa restructura e manera con e centronan di bario ta wordo financia pa nan haci mas cu e recursonan cu nan ta haya.

E proyecto ta ser realisa den cooperacion cu CEDE Aruba tambe pa e centronan di bario



haya otro tipo di sosten pa nan por opera miho y aloca mas recurso.

El a indica cu aworaki e centronan di bario ta conta cu personal fiho cu ta yuda guia diferente actividad cu a tuma luga na e centronan di bario. E meta di e proyecto ta pa enfoca riba diferente grupo den comunidad pa crea inclusion.

Segun e mandatario a splica, te cu aworaki, despues di un aña di e lansamento di e proyecto aki, a logra realisa 51 actividad di cual 22 ta ripiti continuamente y mas di dos

mil persona ta participa na e actividadnan.

“Esaki ta un paso sumamente positivo pasobra na final di dia bo kier percura pa nos hobennan tin mas actividad cu nan por participa na dje pa di e forma ey nan no ta riba caya,” el a subraya.

Pa loke ta e actividadnan realisa na e centronan di bario, tin tayernan di teatro y arte, actividadnan deportivo, cursonan di educacion tanto pa mucha como pa mayornan, bijles pa muchanan di scol cu tin problema cu e materianan



di rekenen y taal, curso di idioma pa migrantenan, actividadnan di empoderamento financiero, actividadnan fisico pa adultonan mayor y tambe ta ofrece grupo di sosten pa hende muhe.

Minister Tjon a anuncia cu en conexion cu “Veilige Barrios”, pronto lo anuncia dos proyecto grandi cu ta na caminda cu lo bay crea espacionan deportivo y lo enfoca riba e parti di speeltuinen pa e

muchanan.

Anteriormente Bon Dia Aruba a trece dilanti e caso di centro di bario Tanki Leendert cu tabata e cas pa diferente actividad deportivo y cultural cu tabata den un estado di deterioro. Segun informacion publica, aworaki e ta den proceso di renobacion completo di e edificio y cancha deportivo pa asina por habri portanan back pronto pa comunidad di Aruba.

Unit Narcotica a detene 3 persona y a haya un cantidad grandi di cocaina

Autoridadnan ta bin trahando sin stop contra e baho mundo den ultimo dianan caminda dialuna ultimo un cantidad di cocaina transporta den container a ser confisca y tres persona a keda deteni.

Mediante un comunicado pa prensa, Cuerpo di Polis di Aruba a informa ayera diamars cu dialuna ultimo e Unit Narcotica tabata bon atento un biaha mas unda nan a logra confisca basta droga y haci detencion.

Segun a menciona, e biaha

aki tabata trata di droga cu a ser transporta via container. Unit Narcotica a haci un total di 3 detencion pa e caso aki, ta trata di e homber di inicial G.J.M.I naci na Aruba, e muhe G.M.M.I naci na Aruba y e homber J.M.I. naci na Colombia.

A confisca un suma grandi di droga cu ta cocaina, Unit Narcotica ta keda traha incansablemente pa keda combati e parti di droga.

Den otro caso, departamento di Crimen Organisa a haci 5 detencion

durante entrada hudicial Tambe, dialuna ultimo den oranan di madrugada departamento di Crimen Organisa a haci un entrada hudicial na un cas na Madiki en conexion cu a intercepta un boto mas tempran door di Kustwacht.

Segun Kustwacht a informa dialuna marduga 16 di augustus, a tuma nota di un boto den direccion di Aruba. Inmediatamente a manda dos unidad di Metal Shark pa intercepta esaki y tambe a pidi asistencia di e Dash di Wardacosta.

Durante di e persecucion, e

boto a bolter. Nan prioridad tabata pa saca e 5 persona for di awa y saca e bultonan presente cu ta drif den awa. E condicion di e boto no a permiti pa saca esaki for di awa, tampoco pa tow esaki.

Despues di a sigura tur e persona nan hunto cu e bulto nan, a logra di transporta nan tur y hiba nan base di Wardacosta. A inspecciona tur bulto presente y a constata cu ta trata di un cantidad grandi di narcotica. E 5 persona di nacionalidad Venezolano y e droga, a ser entrega na miembro nan di cuerpo policial. Entretanto a destrui e nar-

cotica y investigacion lo sigui.

Pa e caso aki, departamento di Crimen Organisa atento a dal baho mundo un biaha mas. Na e cas na Madiki a logra detene otro 5 persona tambe di nacionalidad Venezolano, 4 homber y un muhe unda nan lo mester duna cuenta na husticia pa cu nan envolvimiento den e caso grandi aki. Durante e entrada hudicial diferente departamento di Cuerpo Policial a forma parti, entre otro Team di Aresto, Flex Team, K-9 Unit y polis Uniforma.




Diferente cuestionamento riba loke ta un maneho nobo pa migrantenan bao Ministerio di Labor, Energia y Integracion

Recientemente riba rednan social diferente usuario ta haci comentario y cuestionamento di loke ta trata un “maneho nobo” pa admision e cual debi na necesidad di trahadonan den mercado laboral mester di implicacion politico nobo pa loke ta trata permisionan di residencia y di trabou.

Den un documento e cual Bon Dia Aruba ta dispone di dje, ta señala cu e maneho nobo e cual tin fecha di augustus 2024 bao Ministerio di Labor, Energia y Integracion ta splica cu for di 2020 e minister di Asunto Social y Labor hunto cu esun di Husticia, Seguridad y Integracion, a emiti un serie di instruccion politico pa asina duna contesta na impacto economico di pandemia Covid-19 na Aruba. Loke a haci necesario pa tuma medidanan, entre otro, pa protege economia di Aruba y mercado laboral cu a bin ta cambiando. For di comienso di aña 2022, sector comercial, mediante un carta di dia 6 di april 2022, a duna señalnan di scarsedad di trahadonan den mercado laboral local y a solicita atencion urgente loke a hiba e introduccion di dos instruccion di politica na augustus y november 2022.

Pa aña 2024, ta spera un crecimiento economico di 8.5% mientras cu prevision pa 2025 ta di 1.3%. Manera Banco Central di Aruba (CBA) y Departamento di Asuntonan Economico y Comercio y Industria (DEZHI) a afirma den nan publicacion tocante desaroyo economico di Aruba. Ademá, a establece cu Aruba ta bay conta cu 1,650 camber di hotel adicional for di 2023 te cu 2025 a traves di proyectonan hotelero y cu desaroyo economico menciona anteriormente tin consecucionan directo pa evolucion di e mercado laboral.

Tumando na cuenta cu e pronosticonan economico, ta anticipa cu e tasa di desempleo lo keda abou y un tasa di desempleo abou ta traduci hopi lihe den un scarsedad di labor debi cu casi no tin personanan desemplea, mientras cu, di otro banda, tin un cantidad di proyecto importante den preparacion cu tambe lo determina e crecimiento economico den e proximo añanan y esaki ta nifica cu lo mester di mas trahado pa yena e vacaturanan



cu a presenta, cual, manera lo mira despues, ya a indica varios biaha door di e organisacionnan di dunadonan di trabou y trahadonan.

Segun e proyeccion di poblacion realiza door di Estadistica Hulanda (CBS) pa añanan 2020-2040 y teniendo na cuenta e cantidad di cambernan di hotel planea, Aruba mester spera un crecimiento di poblacion di alrededor di 5,052 persona. Solamente 4% di e personanan aki lo a nace na Aruba, mientras cu e grupo mas grandi mester ta consisti di trahadonan di afo. E proyeccion di CBS tambe ta indica cu e grupo mas grandi lo ta den e categoria di edad di 25 pa 44 aña (43%), cual SVb ta considera e categoria di edad mas deseabel, sigui pa e categoria di edad di 45 pa 64 aña (30%) y hobennan (15-24 aña) (12%).

E oferta actual den e mercado laboral ta insuficiente compara cu e demanda actual den e mercado laboral. Por ehempel, Camara di Comercio riba su propio iniciativa a haci un estudio exploratorio riba e mercado laboral den e lunanan di februari y maart 2024 pa determina cuanto compania no por yena nan vacaturanan debi na scarsedad di labor.

E sector comercial na comienso di 2024, den un carta cu fecha 16 di januari 2024, a expresa preocupacion extremo pa loke ta trata e mercado laboral local existente of creciente, debi na e echo cu, den su opinion, no a duna e atencion necesario na e Accion aki pa atende e problema estructuralmente.

alamente.

Despues di varios carta (cu ta contene recomendacion) di sector comercial riba e topico aki, a tene varios reunion entre 29 di februari 2024 y 18 di april 2024 cu (representantenan di) sector comercial, organisacionnan di empleado di sector priva, entre otro.

E discusionnan cu a tuma lugar durante e reunionnan a resulta den un serie di recomendacion pa atende e scarsedad di labor cu actualmente Aruba ta confronta na un manera efectivo y eficiente, ya cu ainda tin un desaroyo economico significativo andando na Aruba, incluyendo no solamente construccion pero finalmente, explotacion di proyectonan hotelero nobo cu a aumenta e necesidad y demanda pa empleo di trahadonan (local), loke ta haci necesario pa introduci un instruccion nobo di politica amplio pero integral. Den e maneho pa loke ta trata Sector Turistico Profesional, ta indica cu despues di e diferente ronda di consulta cu representantenan di organisacionnan empresarial y di trahado, lo amplia of habri parcialmente e lista di profesionalnan inclui den e Manual di Admision pa kendenan no ta necesario pa haci ningun test di mercado laboral via DPL y pues, nan ta exonera di dje.

Den documento ta splica cu “LISTA DI TRABOU PROFESIONAL: Den e sector di turismo cu ta aparece den e Manual di Admision ta ser amplia pa inclui e posicionnan

menciona den documento aki, cu e indicacion cu e lista no ta exhaustivo y por -den caso di ta necesario - habri of por wordo complementa.”

Ademá, tambe ta papia di e distincion mas grandi entre inmigrantenan pa fecha di yegada:

Den cuadro di implementacion di e instruccionnan di politica aki, lo mester haci un distincion entre e categoria di “migrantenan ya presente” y “migrantenan nobo”, cu e fecha di yegada ta e criterio pa distingui entre e dos categorianan.

1. Tur stranhero cu a drenta Aruba legalmente prome cu 1 di januari 2024 ta cay den e categoria di “migrante presente caba.” Esnan cu despues a drenta legalmente lo wordo clasifica como “inmigrantenan nobo.”
2. Un migrante presente caba por, for di momento cu e ta biba legalmente na Aruba y ta den posesion di un permiso di estadia of di trabou, mesora entrega un peticion pa un permiso pa metanan di “Reunificacion Familiar”.
3. Inmigrante presente caba cu a termina cursonan di por lo menos 12 siman den Enseñansa pa Empleo (EpE) cu exito, ta keda exonera di e test di mercado laboral.

Tocante e documento aki e cual tin fecha di instruccion dia 1 augustus 2024, ni minister Croes ni su ministerio a duna un declaracion publico

di esaki, sinembargo, empleadonan di algun departamento si ta hayando presentacion di esaki.

Parlamentario Marisol Tromp ta haci preguntanan na minister Glenbert Croes tocante e maneho aki

Segun Tromp a señala mediante un comunicado pa prensa, e mandatario encarga cu Ministerio di Labor, Energia y Integracion, Glenbert Croes “a introduci un maneho nobo for di luna di augustus unda Parlamento di Aruba no a ricibi nada.”

Tromp ta sigura cu “te cu awe Gobierno di Aruba no a manda ningun estudio actual di Aruba su ‘carrying capacity’ Nos sa cu Gobierno a publica cu Aruba tin un escasez di trahado, consecuentemente minister Glenbert Croes a bin cu un ‘maneho nobo’ unda cu e ta habri porta pa miles di trahado migrante bin biba y traha na Aruba. E pregunta ta ‘Kico ta gobierno di Aruba su pensamiento y vision di Aruba su carrying capacity pa loke ta nos poblacion, nos turismo y e presion cu e cantidad di hendenan cu lo bin acerca lo pone riba nos infraestructura, nos vivienda, educacion, salubridad, etc.?’

“Si Gobierno na e momentonan aki no tin un estudio ni vision cla pa Aruba pe proximo añanan, ta con bo por habri porta pa miles di hende sin haci un estudio actual di nos capacidad di carga di nos pais y sin presenta y comparti esaki cu Parlamento di Aruba? N’e momentonan aki ya nos poblacion tin hopi presion y keho riba listanan largo di espera pa por ehempel, e parti medico, lista enorme di espera na FCCA pa loke ta vivienda, etc. Con e listanan di espera lo bira awo? Miles di persona lo bin y unda nan ta bay biba si tin escasez di vivienda?” e parlamentario ta puntra.

“A base di e maneho di ‘free for all’ di minister Glenbert Croes, mi a haci pregunta por escrito dirigi na minister di Labor, Integracion y Energia. Minister Croes a introduci su ‘maneho nobo’ (nieuwe beleidsinstructies) desde luna di augustus 2024. Parlamento di Aruba no a ricibi niun documento actualisa pero si por a tuma nota riba medionan social cu presentacionnan ta wordo duna.”

Salario na Aruba no ta atractivo:

Escasez di personal na hospital ta afecta calidad di cuida

Recientemente den un articulo publica pa un medio di comunicacion local director di hospital Jacco Vroegop a confirma cu hospital tin dificultad pa haya y retene dokter y enfermeronan specialisa pa motibo di, entre otro, nivel di salario na Aruba. Bon Dia Aruba a combersa cu Director Financiero di hospital, Gregory Croeze, ken a elabora mas tocante cual ta e areanan mas critico y con esaki ta afecta calidad di cuida.

Den e publicacion di e noticiero local, Noticia Cla, Vroegop ta indica cu e ta birando mas dificil pa nan haya y despues retene dokter-, enfermeronan specialisa y otro personal di hospital cu no ta den cuida di salud. Basa riba esaki Bon Dia Aruba a puntra Sr. Croeze cual ta e areanan mas critico.

El a splica cu e problema di escasez di personal den sector di cuida ta algo cu no ta sucede solamente na Aruba, pero ta un problema mundial. El a remarca cu actualmente riba e website di hospital tin un lista di vacatura cu tin alrededor di 50 posicion habri, locual ta nifica cu ta trata di mas o menos alrededor di 150 persona cu tin mester pasobra tin diferente posicion cu tin mester mas cu un persona.

El a sigui splica cu hopi biaha nan tin varios specialistanan medico cu ta bin y ta keda pa un termino hopi cortico, algun siman pa algun luna. Esaki ta nifica cu tin biaha



tin vacatura ta keda habri por si acaso tin un especialista cu kier bin vast of un tempo mas largo.

Croeze a duna como ehempel e posicion di gipsverbandmeester, cual el a resalta ta casi imposibel pa haya pasobra loke cu hospital ta paga na salario, locual ta conforme nan CAO, no ta atractivo suficiente pa haya specialistanan bin Aruba y keda.

El a agrega cu e problema aki no ta solamente pa personal di cuida di salud, pero ta conta pa hopi otro funcion tambe. “Nan ta prefera keda na unda nan ta pasobra eynan nan ta gana of nan por bay por ehempel Boneiro cu tambe lo paga un tiki mas. Esey ta e reto mas grandi cu nos tin pa haya hende pero tambe pa mantene hende pa keda akinan,” el a enfatisa.

Tocante con e problema aki ta afecta e calidad di cuida cu ta wordo brinda na e pashentnan na hospital, Croeze a indica cu obviamente si no tin suficiente personal nan no por duna tur e cuida cu bo kier duna.

Esaki por conduci na cu nan ta haya nan mes ta busca personanan cu tin un nivel mas abou cu si nan lo por paga, cual ta afecta e calidad di cuida, of pashentnan ta kies pa busca e cuida otro caminda cu no ta na Aruba. Tocante esaki, el a resalta cu e no sa pasa hopi pasobra mayoria biaha nan por duna e cuida, pero loke ta pasa ta cu e peso ta bira mas pisa riba e grupo di persona cu tin trahando aworaki.

“Riba e grupo cu tin cu ta trahando e peso ta bira mas hopi door cu tin escasez di person-

al. Bo ta haya e hendenan ta mas cansa, mas demotiva, tin por hasta haya burnout pasobra nan ta traha demasiado hopi ora, nan no ta haya suficiente ora pa tin liber of una bes nan tin liber nan ta wordo yama pa bin traha pa cambia warda cu otro hende.

E peso ta hopi pisa riba e hendenan cu ta trahando pasobra no tin e espacio cu nan por disfruta di dianan liber pasobra nan mester traha extra,” el a subraya.

El a remarca cu e problema aki no ta conta no solamente pa cuida, pero ta conta pa hopi otro personal na hospital cu no precisamente ta traha directamente den cuida.

Manera ya caba Croeze a indica, e problema di escasez di personal den sector di cuida ta un problema global pa varios tempo caba, pa cual motibo hospital a tuma algun iniciativa di nan mes pa yuda alivia e situacion aki,

El a splica cu como hospital nan a tuma e decision di no simplemente keda mas crusa y depende di otro, nan a scoge pa cuminsa cu varios curso pa yuda nan personal yega na specialisacion.

El a sigui splica cu e cursonan aki a cuminsa algun aña pasa caba. E HOH Academy ta duna diferente curso pa asina hendenan por specialisa nan mes, sobre todo enfermeronan, pa nan por logra cubri e posicionnan cu ta habri. Pero esaki ainda no ta solucion e situacion critico pa loke ta e problema di falta di

personal. El a agrega cu obviamente durante periodo cu un persona ta tumando e curso mester di un persona pa haci e trabou di e persona ey, pues e ta keda un parti critico.

Otro punto di preocupacion ta cu tin hende cu ta bin Aruba, pero ta keda solamente pa dos of tres aña so, nan no ta keda un periodo largo of indefini. Pa e motibo ey, el a remarca, nan kier haci e cursonan aki y enfoca mas riba e hendenan cu si kier keda Aruba pa traha.

“Asina nos ta pensa cu talbes aki cinco, seis of shete aña por mira cu e cursonan aki ta dunando nan beneficianan pasobra no lo mester busca hopi otro hende mas di afo,” el a resalta.

Apart di esaki, Croeze a agrega, hospital di Aruba ta haci hopi cooperacion cu universidad of hospitalnan na Hulanda. El a splica cu aworaki nan tin un cooperacion cu UMC Utrecht, un centro na Utrecht cu ta yuda Aruba cu specialistanan di mucha y neurologonan, y alabes nan ta purba expande pa mas otro specialisacion.

E cooperacionnan aki, el a sigui splica, ta haci cu e personal di Aruba tambe por bay UMC Utrecht pa nan haci nan training mas avansa y esaki ta yuda e personal no perde nan capacidatnan, nan skills. E cooperacion aki ta un tipo di intercambio di persona unda e Hulandesnan ta bin Aruba y e trahadonan di Aruba tambe ta bay aya traha y haya mas experticio.

El a agrega cu actualmente nan ta purbando tambe di extende e cooperacion den region cu por ehempel Boneiro of Sint Maarten pa asina comparti e experticio tambe.



Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Di cinco edicion di Gold Mine Walk & Run ta enfoca riba importancia di movecion pa salud mental



Fundacion Respaldo, Stichting Hunto, Fundacion Anti Droga Aruba (FADA) y Healthy Lifestyle Center a anuncia e di cinco edicion di Gold Mine Walk and Run cu e aña aki lo enfoca ariba salud mental.

Directora di Fundacion Respaldo, Caroline Hart, a splica cu dia 10 di october ta e Dia Mundial di Salud Mental. El a remarca cu na Aruba e stakeholders involvi cu salud mental ta haci uso di e luna aki pa trece extra informacion dilanti tocante salud mental, organisa eventonan relaciona na e tema cu por yuda e comunidad di Aruba comprome miho y ta mas involvi y tene un bida mental mas saludable.

Den pasado Fundacion Respaldo hunto cu FADA y Stichting Hunto a yega di realisa diferente actividad caba pa pone enfoca riba e topico di salud di mental, entre otro "Let's Art for Mental Health" y aña pasa a organisa e actividad "Let's Plant for Mental Health."

Hart a sigui splica cu e aña aki nan a mira importancia di movecion pa salud mental y a invita Healthy Lifestyle Center tambe pa forma parti di e evento aki, un proyecto cu e stakeholders ta realisa un pensando riba e comunidad di Aruba cu mester mas informacion tocante salud mental.

El a subraya cu movecion fisico no ta importante solamente pa mantene e curpa den forma, pero e tin tambe un gran beneficio pa salud mental. Na momento cu un persona haci esfuerso fisico e curpa ta produci endorfina, un substancia natural cu ta yuda e persona sinti mas feliz



y ta libera stress.

"Movecion por yuda sinti menos ansiedad y depresion, dos di e problemanan mental mas comun den actualidad," el a resalta.

Ademas di esaki, el a indica, movecion ta yuda un persona drumi miho y ora un persona drumi miho e mente ta bira mas cla, e por mancha problema y retonan tur dia cu mas facilidad. "E ta un manera natural di subi energia y mehora e estado di animo," el a agrega.

Director di FADA, Romyko Winklaar, a enfatisa cu FADA ta apoya e iniciativanan aki grandemente pa asina trece conscientisacion pa loke ta trata e tema di salud mental, un tema cu den e ultimo añanan a bin ta crece y cu despues di pandemia a crece ainda mas.

"Nos como organisacion ta

apoya local ta e GGZ-instellingen pa e bunita trabou cu ta wordo eherce den e ultimo añanan aki," el a destaca.

Director di Stichting Hunto, Dalgis Montalvo a expresa cu ta hopi bunita pa wak con e instancianan ta uni no solamente pa traha, pero tambe pa muestra na comunidad di Aruba e trabou cu e instancianan cu ta encarga di GGZ ta haci. "Esaki ta un muestra tambe cu nos kier e union tanto den e instancianan, pero tambe pa e comunidad sa cual ta e instancianan cu ta traha den e parti di GGZ," el a resalta.

E Gold Mine Walk and Run tin diferente categoria cu por participa. E categoria di cinco kilometer ta pa tur persona riba 17 aña y lo sali for di Gold Mine. Adicional na esaki tin careda pa mucha y hoben. Pa hoben lo tin e careda e tres kilometer y e careda di 1.5 kilometer, y pa e muchan-

an tin e careda di 800, 400 y 200 meter.

Por ultimo, Hart a resalta cu movecion ta un gran herment pa salud mental. "E ta yuda relaha, pensa cla y tin un miho balans entre curpa y mente. No ta importa e tipo di movecion cu un persona haci, e importante ta pa keda activo y haci movecion parti di e bida rutinario," el a enfatisa.



Parlamentario independiente Rycond do Nascimento:

Corupcion cu traspaso di permiso di taxi

"Mi ta apoya e esfuerso di minister Ursell Arends pa combati corrupcion den cuadro di traspaso di permiso di taxi," parlamento independiente, Rycond do Nascimento a indica den un comunicado di prensa.

Ademas, a agrega: Ursell a implementa algun medida den Decretonan Ministerial (Ministeriële Beschikkingen) pa combati e sistema di patronahe politico. Ta trata di corrupcion cu ministernan ta comete cu permisonan di taxi y e practica di benta di permiso di taxi. Ursell no ta perfecto y e minister a comete algun error aki aya, pero en general, nos mester conclui cu su iniciativa ta importante. P'esey e ta hopi bergonsoso con AVP, Gerlien Croes, MAS, Accion 21 y Otmar Oduber ta opone e maneho aki di e minister.

AVP a bin ta pusha e storia cu e maneho di Ursell pa cu e traspaso di permiso di taxi no tin pia ni cabes. Su medianan di comunicacion a yuda plama e pelicula di terror aki. Gerlien a demostra un biaha mas di ta berde light door di bisa cu el a drenta reunion cu minister Arends bruha y cu Gerlien a sali mes bruha for



di e reunion.

Mientras Miguel Mansur ni Marisol Tromp kier habri nan boca pa splica e situacion real, pa motibonan politico. Ta importante pa corda cu corrupcion a gran escala ta hiba na aumento di prijs, pasobra na final di dia ta e ciudadano semper mester paga e gastonan. Enfin, e postura di AVP, Gerlien Croes, MAS y Accion 21 ta perhudica nos isla.

Reglanan estricto pa transferencia di permiso di taxi

Minister Ursell Arends ta cambiando e maneho di e permisonan di taxista desde 2022. E obhetivo ta pa aplica reglanan estricto riba peticonnan pa transferencia di permiso di taxi. Ta importante cu solamente e famianan di e taxistanan cu realmente a fayece of cu ta gravemente malo di salud por pidi un transferencia di e vergunning.

Esey ta loke ley ta prescribi. P'esey Ursell tin un punto valido ora e ta bisa cu aunke articulo 15 di e Ordenansa Nacional di Transporte di Persona tin bon intencion, e articulo di ley aki ta crea espacio pa abuso y corrupcion. Ursell tambe tin rason cu pa evita corrupcion gobierno mester bin cu medidanan special y un aplicacion cuidadoso di e ley. Esey ta inclui encarga un comision independiente cu e otorgacion di permisonan di taxi pa asina stop e custumber cu ciudadano mester keda depende di politico. Esey tambe ta inclui digitalisa e proceso di permiso pa garantisa transparencia y evita interferencia politico.

E medidanan aki por yuda crea un sistema cu ta trata tur peticion mescos. Un trato igual ora di haya permiso, ta un trato husto!

Potencial pa abuso

Tur hende sa cu den practica yen minister den pasado a abusa di e sistema di permiso di taxi. Un motibo pakico esey tabata posibel ta cu articulo 15 di e Ordenansa Nacional di Transporte di Persona tabata crea e posibilidad pa abuso di e funcion di e Minister encarga cu transporte. E articulo ta uza e palabra "por"

("kan") pa duna e minister un espacio amplio di discrecion pa traspasa e permisonan. E libertad di minister a hiba na yen abuso y faboritismo. Asina articulo 15 a wordo uza pa traspasa permisonan na personanan cu no ta cumpli cu e rekisitonan pa obtene un permiso. E personanan aki a haya e permiso pa motibo di nan conexionnan politico.

Mester para hunto pa un rumbo nobo

Resumiendo, e ta tristo pa constata cu AVP ta keda e partido cu kier mantene tur e structuranan corruptivo den nos leynan. Gerlien su disposicion pa negocia pa keda den AVP despues di e prome sentencia di Benny Sevinger ta demostra cu e por wordo cumpra.

Miguel Mansur y Marisol Tromp a perde e oportunidad pa para firme contra e sistema corruptivo, simplemente pasobra Ursell ta un contrincante politico. Asina nan ta demostra nan afiliacion na politikeria tradicional. Si nos kier tin futuro pa e pais aki nos mester para na banda di e berdad. Ursell por tin mil fayto, pero toch nos tin e deber di apoya minister Ursell ora e kier pusha pa un rumbo liber di corrupcion.

Luna di Locura cu Lotto 5 ta wordo extendi pa september!

Cu cada 2 Lotto 5 riba e mesun ticket, ricibi 1 Lotto 5 loco completamente gratis riba e mesun ticket!

Pa motibo cu e Luna di Locura den temporada di vakantie tabata tan gusta, Luna di Locura cu Lotto 5 ta wordo extendi cu un luna mas y lo continua den luna di september tambe! Luna di september tambe ta bira un Luna di Locura cu Lotto 5! Cu cada compra di 2 set di number di Lotto 5 riba e mesun ticket, bo ta ricibi un ticket di Lotto 5 loco completamente gratis ariba mesun ticket.

Si bo cumpra 4 Lotto 5 riba e mesun ticket bo ta ricibi 2 Lotto 5 loco completamente gratis ariba e mesun ticket. Si cumpra bo 6 Lotto 5 riba e mesun ticket bo ta ricibi 3 Lotto 5 loco gratis ariba e mesun ticket. Kiermen mas Lotto 5 bo cumpra riba e mesun ticket, mas Lotto 5 loco bo ta ricibi gratis y asina mas chens bo tin pa gana e jackpot di Lotto 5!

Lotto 5 ta costa solamente 4 florin pa ticket y bo por combina bo 5 numbernan for di 01 te cu 35. Pidi bo rebendado pa bo 2 set di 5 numbernan

riba e mesun ticket y asina bo ta ricibi un Lotto 5 loco completamente gratis ariba e mesun ticket. Si bo no sa cua numbernan pa scohe, bo ta pidi bo rebendado pa 2 Lotto 5 loco riba e mesun ticket y ricibi un tercer Lotto 5 loco completamente gratis.

E promocion aki ta valido te cu 30 di september pa e sorteonan di Lotto 5. Por cumpra bo weganan di Lotto te cu 7:30PM na bo rebendado preferi. Sorteo di Lotto 5 ta hunga riba tur diaranson y diasabra anochi pa 7:45PM na TeleAruba pero tambe por wak sorteo di Lotto riba nos pagina di Facebook y YouTube.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita: bit.ly/3olZ5K9 pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di

su hungadonan y na mes momento inverti den deporte local pa medio di

donacionnan na e comision di subsidio.



Hulanda:

Investigadornan ta tuma un otro stap mas cerca pa por detecta demencia cu un scan di wowo

(NLTimes)--Demencia por ser detecta cu un scan di wowo prome cu e prome sintomanan sosode. Investigadornan di Amsterdam UMC ta mira posibilidadnan den esaki.

Nan a descubri cu pashentnan cu e yamado "Frontotemporal dementia (FTD)"

tin abnormalidadnan den e retina di nan wowo. E conexion aki ta trece e posibilidad di diagnosis trempa un stap mas cerca.

E investigadonan a haci nan descubrimiento por medio di investiga e wowo di mas cu 100 hende cu a muri pa via di desordennan cerebral. Te

awo, FTD por ser solamente diagnostica cu ciertitud despues di morto por medio di test si un proteina specifico ta presente den e cerebro di e pashent. Basa riba e observacionnan nobo, si e diagnosis por ser haci ia scan di wowo, investigadornan ta bisa cu e lo mester ta posibel tambe pa detecta demencia añas prome cu un hende cuminsa sinti e efecto di dje.

Esaki no ta solamente yuda pashentnan prepara pa e futuro, pero tambe e ta habri porta pa participacion trempa den investigacion cientifico den tratamentonan nobo y medicina pa demencia," segun investigador Frederique



Hart de Ruijter a bisa den un declaracion. Su investigacion a ser publica den e revista cientifico Acta Neuropathologica.

Frontotemporal dementia (FTD) ta un forma di demencia cu ta resulta for di

daña cerebral y usualmente ta cuminsa na un edad jong, aproximadamente entre edad di 40 pa 60 aña. Segun e organisacion Alzheimer Netherlands, e ta e forma di demencia mas comun entre hende di edad mas jong despues di Alzheimer's.

Leiden UMC: tratamiento existente por preveni dolor fantasma di miembro pa amputadonan



(NLTimes) - Investigadornan na Leiden University Medical Center ta kere cu un tratamiento operacional existente por preveni of reduci significativamente dolor fantasma di miembro den amputadonan.

Mas cu 60 porciento di hende cu ta haya amputacion di un miembro ta sufri for di e dolor di nervio cronico, cual por ta debilitante. E hospital di Leiden a lansa un estudio grandi pa prueba e eficacia di e tratamiento y mira si e por ser conduci cu amputacion.

Neurociruhano y lider di investigacion Justus Groen a conduci e operacion aki frecuentemente y tin bon experiencia cune, manera el a conta NOS. Esaki ta involvi conectando e nervionan cu ta corte durante un amputacion na un musculo, weso of vet. Esaki ta haci e nervio pensa cu e tin funcion, resultando den menos of ningun nervio y dolor fantasma.

E metodo aki actualmente no ta practica standard pa amputacionnan. E operacion ta consisti di mara e nervionan

of kima nan, cual ta causa cicatriz di nervio den e stomp. Esey tin di haber cu e naturalesa di e operacion, Groen a splica. "Amputacionnan ta operacionnan pa salba bida. E prioridad e ora ta pa salba un bida. Pero nos ta pensa cu por haci tur dos procedura mesun ora: salba un bida y reconecta nervionan. Esey ta loke nos ta bay investiga."

"Mirando e bentahanan di e alternativa, mi ta pensa cu nos por scapa algun hende e dolor teribel aki por medio di duna e nervio un conexion nobo inmediatamente ora ta conduci e amputacion," Groen a bisa. "Un operacion asina ta haci mas cu solamente kita e dolor." E tin e bentaha adicional di trata pashent cu no mester cuida medico mas of medicacion pa trata e dolor pa resto di nan bida.

Seis hospital y 260 pashent, incluyendo un grupo di control, lo participa den e estudio. "Nos ta anticipa cu tur esaki lo traha bon cu otro," Groen a bisa. "Pero pa tin e ser reembolsa tambe como cuida medico, bo mester comprob'e tambe cientificamente."

LUNA DI LOCURA!

CUMpra 2 LOTTO 5 Y HAYA 1 LOTTO 5 LOCO GRATIS!

CON PA HUNGA?

CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 ADICIONAL LOCO COMPLETAMENTE GRATIS Ariba E MESUN TICKET! MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO TE CU 30 DI SEPTEMBER

Pa mas informacion yama 525-7555 of bishita nos website lottoaruba.com

www.lottoaruba.com

GroenLinks-PvdA ta pusha pa Hulanda hunga un rol den crisis di cuido di salud na Corsou

(CuraçaoChronicle) - **Parlamentarionan Raoul White y Julian Bushoff, ambos di e partido GroenLinks-PvdA, ta treciendo dilanti preocupacion tocante e situacion precario na Curaçao Medical Center (CMC) y ta buscando clarificacion si Hulanda a ser pidi pa provee asistencia.**

Cu CMC enfrentando desafionan financiero significante, e dos parlamentario a pone nan bista riba e autoridadnan Hulandes, haciendo yamado pa transparencia riba potencial di sosten y e riesgonan mas amplio riba Corsou su sistema di cuido di salud.

CMC, Corsou su hospital general mas grandi, tin añanan ta luchando, cu deficit financiero cu ta keda aumenta y ta afecta e calidad di cuido.

White y Bushoff ta particularmente preocupa tocante e impacto cu e desafionan aki tin riba e continuidad y accesibilidad di cuido di salud riba e isla. Nan ta urgi e oficialnan Hulandes, incluyendo minister di salud Agema y Secretario di Estado pa Relacionnan di Reino Szabo pa atende e crisis.

E parlamentarionan tambe ta pushando pa un comprension mas cla tocante e situacion actual medico y financiero na CMC. Nan ta pidiendo informacion detaya tocante e status exacto di e hospital su operacionnan y finanzas. Cu deficit andando y relacion afecta entre e hospital su maneho y Corsou su gobierno, e parlamentarionan ta kere cu un intervencion ta posiblemente necesario pa preveni cu e situacion lo empeora.

Un di e problemanan clave ta e riesgo di servicionan medico esencial. White y Bushoff ta preocupa tocante e consecuencianan concreto di pashtenan, particularmente esnan cu ta sufri di condicionnan gastrointestinal, oftalmologico y neurologico. Rapportnan ta sugeri cu varios departamento ya caba no por provee cuido basico, cual ta bati alarma tocante e impacto potencial riba salud di e isla su poblacion.

Mirando e escala di e crisis, e parlamentarionan ta cuestiona si e gobierno di Corsou a oficialmente pidi asistencia financiero for di Hulanda. Si e tipo di peticion aki a ser haci, nan kier sa con e autoridadnan Hulandes a responde na esaki y ki medidanan ta bao consideracion. Si no a ricibi ningun peticion, e parlamentarionan ta busca clari-



ficacion riba loke ta anticipa mirando cu e situacion ta sigui deteriora.

White y Bushoff tambe ta puntrando informacion tocante ki tipo di medidanan pa corto tempo e gobierno Hulandes por tuma pa provee sosten na Corsou. Nan a enfatisa e urgencia di yega na solucionnan pa mantene e continuidad di cuido di salud riba e isla.

Ademas, nan ta mirando futuro, puntrando ki reforman structural di termino largo lo ta necesario pa garantiza cu Corsou su sistema di cuido di salud keda sostenibel y accesibel den futuro. Nan ta kere cu Hulanda por hunga un rol clave den e reforman aki, ofreciendo ambos sosten financiero y experiencia pa stabilisa e situacion.

Corsou:

Health Inspection: “Renuncia di specialistanan medico no ta relaciona cu LNT”

(CuraçaoChronicle) - **E renuncia di mayoria especialista medico cu a bay for di Curaçao Medical Center (CMC) desde juni di aña pasa no ta relaciona na e norma di Top Inkomens LNT.**

Esaki ta loke e Ministerio di Salud, Ambiente y Naturalesa (GMN) a informa den un comunicado di prensa basa riba informacion por escrito ricibi for di Inspector General Sirving Keli. Segun CMC, e specialistanan a renuncia a causa di un reduccion den nan salario.

Contrario na e declaracionnan di CMC, Keli a reporta cu no ta tur especialista cu a renuncia a haci esaki pa causanan relaciona cu LNT. En averahe, 15.3 especialista a bay for di CMC, cu e cantidad anticipa di aumenta na 18.7 pronto.

E analisis ehecuta a indica cu e 19.7 especialista cu ta renunciando na CMC, cual e hospital ta sugeri ta en conexion cu LNT, solamente 4.6 ekivalente full-time (pues 5 especialista) ta realmente relaciona cu e LNT desde juni 26 di aña pasa.

“Entre e 8.3 ekivalente di full-time (pues 12 especialista) reprota pa CMC desde juni 26 di 2023, 5 especialista a sea renuncia pa otro posicion na Corsou of a reduci nan orarionan di trabao. Esaki no ta relaciona na LNT,” GMN a declara.

E cantidad di especialista cu ta anticipa cu lo renuncia lo haci esaki pa motibo cu nan ta cerca di nan retiro of tin causanan cu no ta relaciona na LNT.



SER ta duna conseho riba cambio den ordenansa di asistencia social

(SER) - **Ayera, diamars 27 di augustus, Consejo Social Economico (SER) a presenta su conseho na presidente di Parlamento di Corsou tocante cambionan proponi pa medio di un iniciativa di ley den e ordenansa cu ta regula asistencia social (onderstand).**

E proposicion di iniciativa di ley, cu algun tempo pasa a ser entrega na SER pa conseho, ta encera entre otro e posibilidad pa un persona cu ta

ricibi onderstand por gana te NAf. 500 pa luna sin perde su beneficiacion como cobrado di onderstand.

Den su conseho, SER ta evalua e cambionan proponi di un forma detaya.

Un di e puntonan principal den e discusion ta e proposicion pa otorga asistencia social automaticamente si minister di Desaroyo Sosial, Labor y Bienestar (SOAW) no tuma un decision den un tempo defini. SER ta enfatisa

den su conseho e importancia di reglanan cu ta cla y continente, y tambe ta pone tension special riba posibel repercusion legal y financiero.

E cambionan cu ta ser proponi ta diseña pa haci e sistema di onderstand mas flexibel y accesibel, pero e conseho di SER awo ta duna un bista mas amplio riba e impacto socioeconomico, legal y di maneho cu e medidanan aki por tin riba e panorama di bienestar di e isla.





Cuminsando cu 4 florin, bo por gana e suma grandi aki

Afl. 255.000,-

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



Aumento di presion laboral ta e consecuencia mas grandi di falta di personal, segun doñonan di trabao

(nltimes.nl) - Mas presion laboral riba e personal actual ta keda e consecuencia principal cu doñonan di trabou ta experencia for di e mercado laboral preta.

Mas di 71% di doñonan di trabou na Hulanda ta experencia e falta di personal y mayoria tin dificultad ainda pa haya personal, segun estadisticanan di Hulanda di CBS basa riba un encuesta realisa cu Camara di Comercio y organisacionnan di dunadornan di trabou EIB, MKB-Nederland y VNO-NCW.

Aumento di presion laboral a sali como e consecuencia principal di e falta di personal riba escala grandi, cu 29% di e negoshinan indicando esaki como number un. Pero, menos negoshi tabata preocupa tocante esaki den casi tur sector. Solamente den agricultura y pesca a expresa preocupacion tocante e aumento di presion di laboral. Negoshinan den benta ta indica regularmente cu e carga di trabou



mas halto ta e consecuencia principal di falta di personal (43%).

Negoshinan den e sector di hospitalidad, y informacion y comunicacion ta considera e aumento di costo di trabou como e consecuencia mas grandi di falta di personal. Esaki tambe a crece significativamente den e sectornan di mineria, benta y reparacion

di auto, y construccion y industria.

Na comienso di e di tres kwartaal, mas di 71% di e negoshinan tabata lucha cu e problema di falta personal. Esaki ta un tiki menos cu e 75% di aña pasa y 84% di 2022. Den mayoria di e sectornan, tin menos negoshi cu tin falta di personal den comparacion un aña pasa. E disminucion

minucion tabata mas grandi den hospitalidad (for di 85% pa 69%). Solamente e sector di construccion a mira un aumento.

Mayoria di e negoshinan tin dificultad pa haya personal pa yena nan vacatura, aunke e obstaculonnan cu nan ta topa ta varia. Mayoria (23%) ta indica cu e cantidad di persona cu ta buscando trabou ta lim-

ita, specialmente den e sector di construccion (35%) y transporte y almacenamento (29%).

Mas di 17% ta bisa cu nan no por haya hende cu tin e cualificacion corecto, particularmente den e sector di benta y reparacion di auto (30%) y industria (26%). Y 12% ta bisa cu e posibel empleado tin demandanan mas halto cu loke nan por of ta desea di ofrece. Esaki particularmente ta un problema pa e doñonan di trabou den e area di mineria (28%) y informacion y comunicacion (22%).

E escasez den e mercado laboral Hulandes ta keda e obstaculo mas grandi pa operacion di negoshinan na Hulanda, aunke e porcentahe di negoshinan cu ta pone esaki como number un a disminui den e ultimo aña. Na comienso di e di tres kwartaal di 2022, casi 48% di e negoshinan a pone falta di personal como number un. E aña aki, esaki tabata un tiki mas di 35%.

Mucha di Vlaardingen maltrata pa su famia adoptivo ainda den coma

(nltimes.nl) - Un mucha di 10 aña cu a termina den hospital cu heridanan serio den luna di mei, supuestamente causa pa maltrato di su famia adoptivo, ta den coma ainda den un clinica di rehabilitacion.

Su famia adoptivo, John y Daisy, tur dos di 37 aña y di Vlaardingen, lo aparece den corte pa e prome biaha dia 5 di september. Nan a maltrata e mucha fisicamente y psicológicamente di forma sistematico cu mas intensidad durante varios luna, varias fuente a bisa Telegraaf.

E mucha a wordo hiba hospital cu hopi weso kibra y malnutricion severo durante e madrugada di 21 di mei, segun e corant. E tabata den coma y ainda no a lanta. E tabata

ta biba cu e famia adoptivo aki desde 21 di maart 2022. Ministerio Publico (OM) ta sospecha su famia adoptivo di intento di asesinato, maltrato severo, privacion ilegal di libertad y pone of laga un hende den un estado indefenso.

Fuente a bisa Telegraaf cu e famia adoptivo tabata marra e mucha regularmente den nan cas na Madoerastraat, usando boei of tape pa mar'e na un radiator, por chempel. Un fuente a bisa cu nan ta usa e mucha como e esclavo di cas. "Pensa riba un situacion caminda e mester pasa mop ariba su rudia. E ora un di e miembronan di e famia adoptivo ta tira algo riba vloer pa e asina haci'e limpi di nobo."

E mucha a pidi ayudo na personanan desconoci na e cen-

tro di compra y cerca hende na su scol varios biaha. Pero tur biaha, e instancia cu ta involvi cu e famia ta rechasa su historia. Segun Telegraaf, e organisacion William Schrikker Youth Protection and foster care organization Envermes a dicidi pa saca e mucha for di scol den december despues cu el tabata bisa continuamente cu nan ta maltrat'e.

"Nan tabata bati'e y no tabata haya casi nada pa come. Imagina cu e mester a wak su famia adoptivo come algo dushi como un castigo mientras cu e ta muri di hamber," un fuente a bisa e corant. Otro a bisa cu nan tabata obliga e mucha warda ariba mientras cu su famia adoptivo, nan yiu biologico y otro mucha adopta tabata celebra Sinterklaas



riba dia di Pakjesavond.

E Inspectorado di Salud y Hoben, e Inspectorado di Husticia y Seguridad y e Inspectorado di Enseñansa ta investigando awor kico a bay robes cu e yudansa cu a duna e mucha.

Un caso na corte tocante e custodia di e mucha anteriormente a muestra cu e organisacion William Schrikker Youth Protection tabatin

duda tocante e aptitud di e famia adoptivo y tabata kier pasa e mucha pa otro famia, pero parcialmente pa motibo di e recomendacion di e Consejo di Proteccion di Mucha, nan a dicidi pa laga e mucha keda den nan cuido.

Su ruman a wordo kita for di e cas di John y Daisy na final di 2023 y a wordo poni den custodia di nan mama biologico.

Escasez di combustibel ta paralisa servicjonan aereo na Colombia

(Mercopress) - Scarsedad di combustibel pa avion a pone cu companianan di aviacion cu ta opera na Colombia a reprogranan servicjonan. E problema lo a ser causa pa un fayo electrico na e refineria di Cartagena dia 16 di augustus.

Avianca mester a cancela 26 servicio na Valledupar for di 26 di augustus pa 2 di september y lo bula solamente e siman aki entre Bogota y Cartagena riba diahuebs y diabierna cu un solo servicio diario. Ademá e benta di pasashinan pa biahe entre Bogota y San Andres a keda cancela pa un siman, entre otro irregularidadnan.

“Ta sugeri pa controla cu bo operadonan aereo tocante e status di bo vuelonan,” un borchí na e aeropuerto di Medellín a bisa. “Algun vuelo lo ta temporalmente cera pa benta” debi na e scarsedad di combustibel pa avion den e pais.

Avianca a anuncia den un comunicado. “Awor nos prioridad ta pa proteha biaheronan,



nan plannan di vuelo y conserva efectividad. Ta p’esey nos a busca mecaniconan pa minimalisa e impacto di e situacion aki riba e operacion. E situacion aki ta muestra e necesidad pa actornan di e cadena di suministro anticipa y coordina miho pa tin claridad tocante inventario y disponibilidad di combustibel,” e compania a agrega.

Otro companianan manera Easyfly ta mantene nan orarionan usual, aunke prijs di

pasashi a subi cu 50%. Presidente Gustavo Petro a insisti cu no tin scarsedad di combustibel pa avion. “Loke ta existi ta un actividad irregular cu ya ta bou di investigacion,” el a argumenta.

“Te ayera nos no tabatin informe di operacionnan cancela pa ningun motibo asocia cu combustibel,” asina e minister di Transporte, María Constanza García a bisa, mientras e tabata admiti cu algun compania di aviacion

no tabata bende pasashi pa algun destinacion como precaucion. Segun e funcionario, e inventario di combustibel na aeropuertonan ta ser vigila di cerca pa minimalisa daño. Tambe el a señala cu operacionnan for di El Dorado (Bogotá) ta garantisa pa e proximo 5 dianan.

E crisis di combustibel a bira publico ora LATAM Airlines Colombia a informa cu no tabatin mas combustibel na Leticia, Monteria y Bucara-

manga, mientras cu e nivelnan na Bogota tabata yegando na nivel peligroso.

E fayo electrico na e refineria di Cartagena dia 16 di augustus tabata ser spera pa causa un deficit di 5% den e entrega di combustibel di aviacion di e pais. Sin embargo, Ecopetrol estatal a declara cu e operacionnan na e refineria di Cartagena no a ser afecta, a pesar di cual Ecopetrol a importa 100.000 bari adicional di aeronafu cu lo mester a yega e pais fin di e siman aki.

Mientras tanto, LATAM ta recarga combustibel pafo di Colombia riba su vuelonan internacional y a ahusta su operacion di acuerdo cu esaki, pues 36 di e servicjonan programa pa diamars awor a ser cancela.

E aerolinea lo sigui vigila disponibilidad di combustibel y haci e ahustacion necesario, CEO di LATAM Santiago Álvarez a splica. Pasaheronan afecta pa cancelacionnan lo por reprogranan nan vuelo, haci cambianan den di un periodo maximo di un aña of pidi un restitution.

Nicaragua a kibra relacion cu Brazil y Ortega ta yama Lula “arrastrado”

(EFE) - Presidente di Nicaragua, Daniel Ortega, a considera cu e relacion cu Brazil ta kibra, unda el a yama su homologo Brasileño, Luiz Inacio Lula da Silva, “arrastrado” y cu e kier ta e “representante di e Yankees” na Latino America.

Durante un cumbre virtual cu hefenan di estado di Alianza Bolivariana pa Pueblonan di Nos America (ALBA), Ortega a critica Lula pa su posicion critico riba e resultado controversial di e eleccionnan teni dia 28 di juli, unda a otorga victoria na presidente Nicolas Maduro cu 51.9 % di e votonan compara cu 43.2% pa e candidato di oposicion Edmundo González.

E lider sandinista a bisa cu Lula ta un di e presidentenan di Latino America cu a haya un reaccion “brutal” y “cobarde” pa no reconoce e victoria di Maduro, y cu e ta forma parti di e “Gobiernonan traidor, lastra.”

E ta un “gobierno cu a pre-



senta su mes como hopi progresivo y hopi revolucionario. Awor cu mester ripiti e eleccion (na Venezuela), nan ta bisa. “Brasil ta biza, Lula,” el a cuestiona. Ortega a bisa cu Lula “na un manera bergonsoso” ta “ripitiendo e slogan di e Yankees y e Europeonan, y di e gobiernonan lastra di Latino America”.

“Bo tambe ta lastra, Lula! Bo ta lastra bo mes, Lula!”, Ortega a bisa, kende tambe a critica e maneho di gobierno anterior di e presidente Brasileño.

El a corda cu den su prome Administracion, “disturbi- onan” di corrupcion manera “e scandalnan di Lava Jato” a sali. “Corda tur esey bon

(...). Aparentemente e no tabata un Gobierno mucho cla, mucho limpi. Corda cu Lula y a mi por a menciona un dozijn di cos mas,” el a sigui bisa.

“Si bo ke pa mi respeta bo, respeta mi Lula. Si bo kier pa e pueblo Bolivariano respeta bo, respeta e victoria di presidente Nicolas Maduro y no wordo lastra cynan”, el a

agrega.

Dia 8 di augustus e embahador Brasileño na Nicaragua, Breno de Souza Brasil Dias da Costa, a bandona e pais despues di a ser expulsa pa Gobierno di Ortega, segun e version oficial, pa no asisti na e evento cu ta celebra e 45 aniversario di e revolucion Sandinista dia 19 di juli. Den reciprocidad, Gobierno di Brazil a dicidi di expulsa e embahador di Nicaragua, Fulvia Castro.

Lula tabatin un relacion estrecho cu Ortega den pasado for di 1980, ora cu e lider Brasileño a biaha pa Managua pa e prome aniversario di e revolucion Sandinista, un ocasion den cua el a topa tambe personalmente cu e presidente Cubano di e tempo ey, Fidel Castro.

Sin embargo, den e ultimo lunanan, e relacion a deteriora, specialmente debi na e “persecucion politico” cu Gobierno di Managua ta mantene contra ex-Sandinista y hendenan religioso.

Republica Dominicana: Gobierno ta bay somete proyecto di reforma laboral, sin acuerdo tocante suspension

(DiarioLibre) – E Gobierno di Republica Dominicana a presenta ayera e proyecto cu ta busca reforma eCodigo di Trabou, cu e puntonan cu nan a logra acorda cu e sectornan di doñonan di trabou y sindical, pero sin mishi cu e tema delicado di suspension.

E presentacion a wordo realisa den e LA Semanal con la Prensa y entre e propuestanan cu a wordo acorda, cu ta bay wordo deposita den un plaso di un siman pa 10 dia dilanti e Congreso Nacional, ta aparece e incorporacion di “teletrabao”, e aumento di un dia di vakantie desde e di tres aña di vinculacion di e empleado, e aumento di un 100% di e licencia di paternidad actual y mehoracion pa e trabou domestico.

Segun e presidente Luis Abinader, e reforma aki ta debi na un necesidad pa actualisa eCodigo di Trabou, cu no a conoce un reforma den 32 aña, na e realidad di e mundo laboral actual, cual e acelera



exponencialmente cu e pandemia.

E proyecto ta busca tambe mehora e relacionnan entre e dunadonan di trabao y empleadonan. Ademas Abinader a señala cu pa e gobierno e necesidad aki tabata urgente, door di cual nan a tuma accion.

Pa e consensus di e reforma aki e gobierno a realisa mas di

100 sesion di dialogo a traves di e reunionnan tripartite den e Consejo Consultativo di Trabou (CCT) y e Mesa Tecnico Huridico, como tambe reunionnan bipartidista.

Di su banda, Luis Miguel de Camps, minister di Trabou, a expresa cu e reforma aki nan ta busca un organismo cu un miho capacidad di respuesta, cu e mecanismonan efectivo pa aplica e 80/20, fo-

mentando e nacionalisacion di trabao, profundisando e capacidadnan di fomentacion di formalisacion di trabao y fortaleciendo e potestad di e entidad aki pa incentiva e cumplimiento di e normativa laboral.

Mester recorda cu e 80/20 ta establece cu e 80% di e trahadonan mester ta Dominicano y e resto por ta stranhero.

De Camps a agrega cu e reforma aki ta busca fortalece e derechonan di e trahado- y dunadonan di trabou, aumenta e capacidad di generacion di empleo, e productividad y competitividad, y tambe fomenta e pz laboral.

E ta busca tambe reduci e accion hudicial excesivo di e relacionnan laboral eliminando accionnan di miedo, facilitando pagonan di derechonan na e trahadonan y poniendo fin na e confiscacionnan in-hustifica.

Tocante e tema di suspension, Abinader a bisa cu, si den e tempo cu ta keda pa introduci e proyecto no tin un acuerdo, e lo wordo deposita asina. “Nos ta pensa den un siman ya deposita den e Congreso. Tin hopi avance, avancenan positivo pa ambos sector, si no yega na un consenso e siman ey, e lo keda pa otro reforma, pero nos ta bay deposita e proyecto den un siman, den mas o menos 10 dia,” e gobernante a contesta na e pregunta di un periodista.

Trinidad y Tobago: Unidad di fraude ta investiga 200 caso di asistencia

(TrinidadExpress) - Mas cu 200 caso sospechoso di fraude di asistencia a wordo manda pa Trinidad and Tobago Police Service (TTPS), segun Minister di Desaroyo Social y Servicio Familiar Donna Cox.

E minister a tabata combersa cu reporteronan despues di e ceremonia di cortamento di cinta pa e Centro di Servicio Social nobo na Port of Spain. Presente tambe tabata e secretario permanente di e ministerio, Lenor Baptiste-Simmons.

Cox a bisa cu mientras cu e ministerio a cuminsa un ehercicio pa reduci practicanan fraudulentu caminda hende ta ricibi mas cu un asistencia, of ta ricibi un asistencia bao di circunstancianan falso, tabata un problema cu “no ta asina facil pa elimina.”

Tocante e pensioen di adulto mayor, el a bisa cu mas cu 108 mil hende ta ricibi e asistencia aki di e ministerio.

El a bisa cu tin rekisito specifico pa elegibilidad pa tur e asistencianan aki. El a enfatisa

cu contrario di loke mayoria ta kere, e pensioen di adulto mayor no ta un derecho, si no “un pensioen pa hende cu ta pover y cu mester di yudansa”.

El a agrega, “Mi a topa hopi hende cu ta puntra tocante e pensioen, pero mi conoce nan, y mi sa cu nan no ta pover; pero mi ta kere cu algun hende ta sinti cu ora nan yega 65 aña, nan tin derecho riba dje.”

Segun e minister, “Tin hende cu ta ricibi pensioen di NIS (Seguridad Nacional), y segun e cantidad cu bo ta ricibi, bo no ta eligibel. Tin hende cu ta ricibi Seguridad Social for di stranhero; tin hende cu tin luganan cu nan ta huur y ta gana un ingreso propio mas halto cu e nivel di e test di medio; y sinembargo nan ta aplica pa tur. Y mi ta kere cu algun biaha nan no sa.”

Pero, el a bisa cu tin caso caminda “algun di nan lo aplica pasobra... nan por conoce algun hende cu no ta pover y cu ta ricibi e pensioen, cu por ta a pasa den e sistema sin sa.” Cox tambe a bisa cu reciente-



mente el a ricibi un carta for di un hende cu a bisa cu nan miembronan di famia a aplica pa e pensioen. “Nan famia ta huur un luga y nan ta laga e luga keda bashi; pasobra ora cu e oficialnan di tereno ta sali pa haci bishita, nan ta mira cu e ta bashi. E ora, nan ta warda pa e asistencia wordo aproba, pa nan por cuminsa huur pa hende di nobo.”

E Centro di Servicio Social nobo lo aloha cuater division di entrega di servicio social. Esakinan ta e Division di Bienestar Social, e Division di Servicio Familiar Nacional, e Programa Nacional di Desaroyo Social (NSDP) y un Unidad di Compromiso y Alcance di Ciudadanonan. Nan lo sirbi Port of Spain y zonanan cerca, cu ta inclui

luganan manera Diego Martin y Belmont.

Cox a bisa, “E colaboracion di e divisionnan aki ta necesario pa amplia y mehora e entrega di servicio na clientenan di ministerio aki y pa aumenta comodidad y acceso pa e publico.”

Diddy ta busca retiro di demanda di productor

(AP) - Sean “Diddy” Combs a pidi hues federal riba dialuna pa retira un demanda for di productor di musica cu a acusa e magnate di un patron amplio di abuso sexual y otro mal conducta.

E demanda entrega den februari pa Rodney “Lil Rod” Jones, un di varios den contra di Combs den e ultimo ana, ta yen di “acusacionnan sin sentido” y “falsedad” cu e intencion di “hala atencion den media y explota esaki pa ricibi un arreglo,” segun e mocion pa retira esaki entrega na corte federal di New York.

E caso no ta establece cu Jones tin posicion pa demanda, no ta inclui detayenan esencial incluyendo tempo y sitio di e incidentenan describi y “no ta haci ningun acusacion viable,” segun e mocion.

Varios demanda acusando varios forma di abuso contra Combs ya caba a ser entrega ora cu Jones a demanda den februari, sinembargo e circunstancianan alrededor di e icono di hip-hop a keda bira pio desde e tempo aki.

Den maart, inval simulta-

neo na Combs su casnan na Florida y California a causa e revelacion cu e ta suheto di un investigacion di traficacion sexual federal cu ta andando. Y den mei, CNN a publica video di seguridad di hotel den 2016 cu ta muestra su persona ta golpia y scop e cantante Cassie, ken tabata su pareha y protegido e tempo ey. E incidente ta cercamente similar na un descripcion den un demanda cu el a entrega den november, den cual a yega un arreglo e siguiente dia pero a causa critica fuerte contra Combs.

Algun dia despues cu e video a keda publica, Combs a publica un despena riba rednan social bisando cu e ta “sinceramente disculpa” y cu su accionnan “no tin excusa.”

Jones su demanda, cual tambe ta nombra Combs su yiu homber y varios di su asociado di negoshi como acusado, ta describi un aña cu el a pasa den e bida di e celebridad na Los Angeles y Mimi den e proceso di produci un album na 2022 y 2023.

Jones a bisa cu el a mira, y den varios ocasion a graba audio di, centenares di ora



di actividad ilegal sexual y di droga di parti di Combs y e personanan den su alrededor. Combs riba dialuna den su mocion a bisa cu e ta “completo di storianan di mal conducta” pero “ta contene tiki acusacion relaciona cu Jones ademas di un acusacion cu Combs no a paga e productor pa su trabao.”

E demanda ta un intento di converti un disputa criminal den un conspiracion criminal amplio lidera pa Combs, sin provee evidencia di ningun

significancia, Combs su documento ta bisa.

Jones tambe ta acusa cu Combs a mishi cune, a manipula e pa relacion sexual, a haci su persona solicita prostituta y a pone presion riba dje pa tin relacion sexual cu nan. Sinembargo e mocion di Combs su abogadoonan ta bisa cu “Jones no ta describi e hechonan mas basico manera unda y ki dia e incidente di agresion sexual a sosode of kico supuestamente a sosode den detaye,” ademas di no provee ningun evidencia cu

Jones a ser obliga di cualkier manera cu ta haci su persona un victima.

Ademas di loke a ser capta pa e video di seguridad di hotel cu Cassie, Combs a ampliamente nenga e acusacionnan den su contra cu e demandanan aki ta haci den su contra. “Lagami ta absolutamente cla. Mi no a haci ningun di e cosnan horroroso di cual mi ta ser acusa,” el a bisa den un publicacion den december.

Hues ta duna ordo na Martin Shkreli pa debilbe tur copia di album di Wu-Tang Clan

(AP) - Martin Shkreli, yama “Pharma Bro” un tempo pa aumenta e prijs di un medicamento cu por salba bida, a ricibi ordo di un hues federal dialuna pa entrega tur copia di Wu-Tang clan su album, cu no

a ser lansa, “Once Upon a Time in Shaolin” na su abogadoonan pa diabierna.

Hues Pamela K. Chen na Brooklyn a skirbi cu Shkreli mester produci tur copia di loke algun biaha ta referi

como e album menos comun den mundo y reporta e number di cualkier persona na ken el a distribui e musica pa dia 30 di september, conhuntamente cu cualkier ganashi cu el a ricibi di esaki.

Den juni, Shkreli a ser demanda pa un colectivo di criptomoneda cu a cumpra e unico copia conoci di e album pa 4.75 miyon dollar. E colectivo, PleasrDAO, a acusa Shkreli di keda cu copianan digital di e album den violacion di nan trato y plama nan ampliamente entre su siguidornan riba rednan social.

PleasrDAO su abogado Steven Cooper a bisa den un declaracion cu Chen su decion tabata “un victoria importante pa nos cliente.”

El a agrega cu “nos ta contento di mira cu hues Chen a reconoce cu alivio inmediato ta necesario pa combati e actonan malicioso di Mr. Shkreli.”



Edward Paltzik, abogado di Shkreli, a bisa den un email cu e hues su ordo ta mantene “e status quo percibi” di e demanda su progresion y no “tin peso riba e resultado final di e caso.”

Tambe el a nota cu e hues no a mira cu PleasrDAO ta probabel di mira exito riba e meritonan ni tampoco cu e acusacionnan ta berdadero.

Wu-Tang Clan a pasa 6 ana creando “Once Upon a Time in Shaolin” prome cu a pone solamente un copia di e dobel album di 31 cancion den subasta den aña 2015 cu e unico condicion cu e no lo ser lansa

publicamente. E grupo multiplatinato di hip-hop tabata kier pa esaki ser mira como un piesa di arte contemporaneo.

Shkreli a cumpra e album pa 2 miyon dollar prome cu el a ser acusa di gana inversionistanan y defrauda miyones di dollar den dos fondo fracasa cu e tabata opera.

Den 2021, “Once Upon a Time in Shaolin” a ser bendi pa satisfice algun di Shkreli su debenan den corte.

Shkreli a ser libera for di prizon den 2022 despues di a cumpli mayoria di su sentencia di 7 aña.

ANUNCIO

SETAR ta informa orario adapta pa su Teleshopnan:

- **Diasabra 31 di augustus 2024 di 9.00 am pa 4.00 pm**

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of WhatsApp na 597-9999.

Ex-lider di gang acusa den e asesinato di Tupac Shakur no lo ser libera riba fiansa, hues ta dicidi

(AP) - Un hues atrobe a rechasa ayera un peticion pa libera un ex-lider di gang malo prome cu su huicio di asesinato den e asesinato di strea di Hip-Hop Tupac Shakur, bisando cu e ta sospecha un fraude relaciona na e fuente di e fondonan pa su fiansa.

e decision for di Hues Carli Kierny a bin despues cu un abogado pa Duane "Keffe D" Davis a bisa cu e lo provee historia financiero adicional pa prueba cu e ehecutivo di label di musica ofreciendo pa

paga e fiansa di 750,000 dolar di David a obtene e placa legalmente. Kierny a bisa cu e no tabata convenci despues di ricibi dos carta identico aparentemente for di un compania di entretenimento cu ehecutivo Cash "Wack 100" Jones a bisa a transferi e fondo na dje como pago pa su trabao.


Un carta tabata firma cu un nomber cu no tin ningun relacion cu e compania, e hues a bisa, mientras cu e segunda carta a inclui un nomber skirbi incorrectamente y un adres registra na un oficina di

dokter.

E audiencia a tuma un direccion nobo ora e abogado di Davis, Carl Arnold, a bisa cu e agente di fiansa usa pa Davis a provee e compania cu instruccionnan riba e lenguahe pa e cartanan y p'esey por testifica nan legitimacia.

Den un respuesta, fiscal Binu Palal a bisa cu e mediador di fiansa por a comete un crimen por medio di entrega "un documento falso na e corte aki."

Davis a busca pa ser libera desde su detencion na september 2023, cual a haci'e e unico persona pa haya cargo den un di e casonan misterioso den e mundo di hip-hop. Kierny a rechasa e oferta di Davis den pasado pa tin Jones paga te cu 112,500



dollar pa sigura e libertad di Davis, bisando cu e no tabata convenci cu Davis y Jones no tabata planeando pa haya beneficio. El a bisa tambe cu e no por a determina si Jones no tabata sirbiendo como un "mediador" den nomber di un otro persona anonimo.

Nevada tin un ley, tin biaha yama e "slayer statute" den Ingles, cu ta prohibi asesina

nonan condena pa beneficia for di nan crimennan. Davis a apela como no culpabel pa asesinato di prome grado. Tambe ayera, Kierny a cambia e fecha di e huicio di Davis for di 4 di november pa 17 di maart 2025.

Davis y fiscalnan ta bisa cu e tabata e unico persona na bida ainda cu tabata den e auto for di cual a los tiro riba un otro auto casi 28 aña pasa, matando Shakur y heridando magnate di musica rapero Marion "Suge" Knight. Fiscalnan ta acusa cu e tiro cu a mata Shakur na Las Vegas tabata resultado di competencia entre miembronan di e gang Bloods di East Coast y di e gang Crips di West Coast, incluyendo Davis, pa dominio den e genero conoci e tempo ey como "gangsta rap."

Oasis ta regresa pa un tour, terminando nan hiato di 15 aña causa pa e pelea entre e rumannan Gallagher



(AP) - Oasis, e banda di pop Britanico conoci pa su hitnan manera "Wonderwall" y "Don't Look Back in Anger," ta reuniendo pa un tour di e Islanan Britanico otro aña den verano, terminando un hiato cu a dura 15 aña y presumiblemente, e pelea entre rumannan Liam y Noel Gallagher.

E banda lo toca riba 14 fecha na Gales, Inglaterra, Escocia y Irlanda otro aña den juli y augustus, segun Oasis a anuncia ayera.

Oasis a separa na 2009 despues di hopi aña di pleitamento, cu Noel Gallagher oficialmente saliendo for di e banda net prome cu un presentacion na un festival na Francia. Hasta prome cu e disolucion, e rumannan tabatin un relacion antagonistico y supuestamente no a papia cu otro pa varios aña despues di e separacion.

"Hende lo skirbi kico nan kier, pero mi simplemente no por a sigui traha cu Liam un dia mas," Noel Gallagher, e guitarrista y escritor di e banda, a skirbi den un declaracion e tempo ey.

Mientras cu e rumannan no a presenta hunto desde e tempo ey, ambos a presenta canticanan di Oasis durante nan presentacionnan soltero. Tambe nan a tira critica pa otro den prensa.

Noel Gallagher a acusa su rumman homber di ta wayaba e dia cu nan tabatin un concierto na 2009. Esaki a resulta den un cancelacion. E cantante a disputa e acusacion y a lanta caso, pa despues descart'e toch.

Pero awo e rumannan ta prepara pa reuni, cu e banda bisando cu fanaticonan lo experiencia e "chispa y intensidad" cu ta sosode solamente ora nan aparece riba e escenario hunto.

E tour lo cuminsa dia 4 y 5 di juli 2025 na Principality Stadium na Cardiff, Gales. Oasis tambe lo presenta na Heaton Park na Manchester, Inglaterra dia 11,12,19 y 20 di juli; Wembley Stadium na Londres dia 25 y 26 di juli y dia 2 y 3 di augustus; Scottish Gas Murrayfield Stadium na Edinburgh dia 8 y 9 di augustus; y Croke Park na Dublin dia 16 y 17 di augustus.

Aruba Bank ta celebra participacion exitoso di su ekipo den torneo di Kickball durante 5 Kamp

Aruba Bank ta informa cu su ekipo a logra un participacion masha exitoso den e torneo di Kickball di 5 Kamp cu a tuma lugar recientemente.

E ekipo di Aruba Bank a demostra un gran nivel di dedicacion, energia, y esfuerso durante e torneo.

E torneo di Kickball di 5 Kamp a uni diferente organizacionnan y compania di Aruba pa varios dia di competencia deportivo cu enfoke riba traha den ekipo.

Aruba Bank a logra participa na tur wega. E banco ta felicita tur miembro di ekipo pa nan dedicacion, tambe nan empleadonan cu a stimula y inspira nan coleganan pa duna nan mihor riba tereno di wega.

E exito di e ekipo ta refleha e dedicacion y pasion cu Aruba Bank tin pa promove salud, bienestar y un comunidad uni.



Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Jayburt Dijkhof, PhD:

Aruba mester un cambio di paradigma



Aruba ta den un circulo vicioso y esaki por wordo kibra cu un cos: educacion. Nos mester bira consciente di e peligran y consecuentemente siña con pa sali for di dje. P'esey mr.dr. Jayburt Dijkhoff ta haci un yamada na tur politico, consehero, profesional y ciudadano, pa asisti na e curso 'Con pa goberna un pais' cu Fundacion SIKI ta organisa riba 3 di september venidero.

Kico ta e situacion? Un situacion financiero precario. Violacionnan di derechon humano. Ministernan sentencia pa maluso di poder y soborno. Corupcion y integridad na peliger. Curatela di Landspakket y un futuro financiero-economico-social y di salud insegur. Ta con nos por a yega na e situacion aki? Acaso Status Aparte no a garantisa sa nos e libertad di scoge pa un rumbo di prosperidad y felicidad? Kico a pasa?

Autonomia no ta garantia di bon gobernacion. Tin politico ta bisa campaña ta un cos, goberna ta otro. Ciudadano ta bisa vota pa kico, e payasonan ta cambia pero e circo ta keda mescos? Unda e berdad ta keda? Den mayoria caso e ta keda un caminda memey di dos e extremonan.

Sr. Jayburt Dijkhoff, presidente di Fundacion SIKI a haci un investigacion y sigui e hechonan. E conclusion ta cu nos situacion ta hopi delicado. Aruba ta den un situacion vulnerabel den tur sentido. Nos constitucion y leynan no ta funcionando manera mester ta. Nan a permiti un stempel parlament (parlamento ta vota pa partido y no pa pueblo), y nan no a hiba na control debido y na un situacion financiero penibel. E cultura politico no ta e tradicion Hulandes di traha cu otro via areglo (compromisonan), sino dominio y parti cada cartera como un autonomia riba su mes. Fielidad na e elite ta mas importante cu experticio. Critica no ta wordo acepta y opinionnan no ta wordo balora.

Al contrario, e pais ta dic-ta kico ta realidad. No ta e

hechonan ta importante, sino con e hechonan aki ta wordo presenta. Tur e structuranan aki ta hiba na un forma di tirania pasivo. Nos no conoce un dictador, pero e situacion ta asina peligroso cu por lanta un persona hopi carismatico den futuro hopi cercano y e lo por haya un poder absoluto.

Investigacion a muestra cu pueblo no tin confiansa den ningun institucion menos den ramo di educacion y religion. Ni prensa tampoco ta di confia, cual ta hopi funesto pa e pensamiento liber y libertad di expresion. Riba dje, manehonan no transparente, cu no ta tene cuenta cu minoria y impactonan negativo a hiba na violacion di principionan di bon gobernacion y derechon humano.

Si Aruba tabata den un klas di

bon gobernacion, lo el a haya un rapport cu un DIKKE ONVOLDOENDE y lo no por bay over. Pero nos ta wak cu cada eleccion pueblo no ta consciente di tur e aspectonan aki. Esaki tin di haber cu con e sistema ta manipula opinion publico. No ta importa cua gobierno, signatura of mandatario. Tur ta adopta e mesun cultura y forma di pensa. Pueblo tambe den su desesperacion ta busca pa yudansa personal di politico of ta corta tur laso cu politica, haciendo cu nos ta move bay mas ainda den nepotismo y corupcion.

Sr. Dijkhoff ta finalisa cu e yamada pa no warda pa registra pa e curso 'Con pa goberna un pais.' Yuda Aruba bay dilanti. Aruba tin mester di bo!

Skirbi pa Robert Arends

Cobra y paga mas facil!

Ora lesa den prensa local e dificultad cu "cobrado-" y "pagadonan" tin ora di cobra y paga "belasting", "aircogeld", "schoolgeld" etc., e pregunta simpel ta: Si ta paga salario pa luna, dicon no ta cobra pa luna luga di cobra pa paga den un paga?

Un sistema simpel y sigur via cuenta di banco y facil pa cobrado y pagado tene

cuenta cu ta cobranza y pagamento fiho/vast pa luna mescos cu tur otro gastonan fiho di luna. Djis pidi e pagado "machtiging" pa kita e suma for di su cuenta di banco tur luna, mescos cu e pagado ta duna comercio "machtiging" automaticamente ora di cumpra cos cu debit/credit card pa comercio kita placa di su cuenta.

Pa cuminsa, Gobierno/Min-

ister mester instrui Departamento di Impuesto (DIMP) pa aplica e sistema menciona pa TUR sorto di belasting y por cuminsa—como prueba—cu cobramento/pagamento di "motorrijtuigenbelasting" (= number di vehiculo) pa facilita Gobierno (DIMP) y duna tur hende e oportunidad di paga poco pa luna.



Skirbi pa Robert Arends

Kibra cu maneho di preferencia y bin cu maneho nobo di "derecho igual" pa tur hende naci na Aruba?

Sugerencia:

- Stipula e exigencianan pa por haya permiso di taxi;
- Publica (pagina web) esaki pa tur hende tuma nota;
- Un bes pa aña (durante un luna) habri solicitud pa e cantidad di permiso disponibel;
- Un comision/instancia ta evalua y determina ken ta haya permiso (ora diferente candidato ta cumpli: "lot" ta dicidi).

Djis pa purba algo basa riba reglamento y for di influencia directo di politica. Tur hende naci na Aruba y inscribi den e ultimo 10 of 15 aña na Aruba mester por haya preferencia riba otro ciudadano di Aruba.



F1: Williams ta retira Logan Sargeant memey di temporada y ta promove Franco Colapinto

(AP) — Logan Sargeant, e unico Mericano den Formula 1, a haya retiro di Williams ayera y ta bay keda reemplasa e weekend aki den Grand Prix Italiano pa piloto Argentino, Franco Colapinto.

Sargeant ta bandona F1 cu un punto den 36 inicio di careda desde cu el a join Williams comienso di temporada 2023. Su miho final tabata posicion #11 e temporada aki, un año den cual Williams a dun'e metanan cla pa su prestacion pa mantene su asiento te cu fin di e temporada.

Sargeant tabatin un crash pisa den practica na e Grand Prix Hulandes siman pasa y a keda na di 16 lugar den e careda/

“Reemplasa un piloto memey di temporada no ta un decision cu nos a tuma levemente, pero nos ta kere esaki ta duna Williams e miho



chens pa competi pa punto den loka ta keda di e temporada,” director di team James Vowles a bisa den un declaracion. “Nos a caba di trece un upgrade grandi pa e auto y mester maximisa cada oportunidad pa anota punto den un bataya notablemente preta den medio campo.”

Vowles a reconoce cu e decision lo ta “increiblemente pisa” pa Sargeant, kende ya

tabata programa pa keda reemplasa pa proximo temporada ora Carlos Sainz Jr. move di Ferrari pa Williams como compañero di team di Alex Albon pa 2025. Tin nueve careda faltando e siman aki, dos di nan na Merca.

Sargeant no a papia publicamente tocante su retiro. Tabatin especulacion cu Sargeant, un nativo di Florida, por move pa IndyCar, po-

tencialmente cu Prema Racing, cu ta drentando e serie proximo temporada cu dos auto.

Colapinto, 21, kende ta na di seis lugar den clasificacion di F2, ta bira e prome piloto di Argentina pa core den F1 desde Gaston Mazzacane na 2011. Esey tabata un espera largo pa un pais cu un tradicion orguyoso den F1 como hogar di Juan Manuel Fangio, un cinco-biaha campeon den añanan 1950.

Sargeant a yega F1 na comienso di año pasa como e prome piloto Mericano den e serie desde 2015. El a keda na di cuatro lugar den F2 na 2022 pero tabatin dificultad pa ta competitivo den F1 contra su compañero cu mas experiencia, Albon.

E miho momento di Sargeant den F1 a yega na cas na e Grand Prix Mericano año

pasa, ora el a gana e unico punto di su careda na di 10 lugar - pero solamente despues cu dos auto riba dje a keda descualifica pa violacionnan tecnico. Esey a haci Sargeant e prome piloto Mericano pa anota un punto den F1 desde Michael Andretti 30 año prome.

No tabata e breakthrough cu Williams tabata spera, sinembargo, y Sargeant regularmente a caba hopi tras di Albon den clasificacion y e caredanan e año aki.

Na maart, e team a tuma e stap inusual di kita Sargeant y duna su auto na Albon na Grand Prix Australiano despues cu e auto di Albon a keda destrui den un crash den practica. E tempo aya, Vowles a elogia Sargeant como “un berdadero hungador den team”, pero e incidente tabata un señal cu e team tabatin tiki confiansa cu e lo anota punto.

No. 1 Swiatek ta surpasa test dificil pa gana ronda di apertura den US Open

(AP) — Rango top, Iga Swiatek a lucha door di un partido pisa den prome ronda den US Open, derrotando Kamilla Rakhimova 6-4, 7-6 (6) ayera.

E campeon di 2022 tabata un punto leu di keda forsa na un di tres set ora Rakhimova a tuma un bentaha 6-3 den e tiebreaker. Pero Swiatek a recupera y a gana e siguiente cinco punto, terminando e

partido ora su oponente a faya un backhand.

Swiatek a mehora na 22-1 den partidonan di prome ronda den Grand Slam, incluyendo 6-0 den US Open.



Rotterdam ta prohibi partido entre Feyenoord y Ajax pa motibo di welga planea di polis den disputa pa pensioen

(AP) — Municipalidad di Rotterdam diamars a prohibi e partido den division top Hulandes, entre arhi-rivalnan Feyenoord y Ajax, pa motibo di un welga planea pa agentenan di polis e weekend aki.

Alcalde di Rotterdam, Ahmed Aboutaleb a anuncia e decision, bisando cu “seguridad pa e hungadornan, pero tambe pa publico, no por keda garantisa suficientemente sin polis,” segun noticiero Hulandes NOS a reporta.

Polis ta campanando pa lunas pa mantene nan derecho pa pensioen trepan y den simannan recien a eleva nan accion door di nenga di patruya rond di partidonan di futbol. E sindicato principal a bisa cu agentenan ta bay tene un reunion di sindicato dia-



domingo na lugar di patruya pafo di stadion De Kuip di Feyenoord. Feyenoord a bisa den un declaracion cu ta decepciona pa e cancelacion. “Manera indica anteriormente, nos ta compronde cu hende ta para pa nan causa,” e club a bisa. “Sinembargo, nos ta lamenta cu ta usa futbol, no pa prome biaha, pa forsa cosnan di cual nos no ta partido.” Partidonan entre Feyenoord y Ajax - conoci como Klass-

ieker - hopi biaha ta mira problema di fanatico. Año pasa, e wegá na Amsterdam a keda bandona na momento cu hooligans a tira clapchi riba e cancha na Johan Cruyff ArenA cu Feyenoord liderando 3-0. Solamente fanaticonan local lo tabata permiti na e partido diadomingo na stadion De Kuip. Pa motibo di problema cu publico den pasado, pa años no ta permiti fanaticonan biaha pa partidonan di

liga entre e dos club. No tabata inmediatamente cla na ki momento ta bay hunga awo e partido cu tabata programa pa diadomingo.

Asociacion di futbol Hulandes a bisa cu probablemente ta bay tin cu mov'e pa un anochi den siman. “Esaki no ta ideal

pa fanaticonan di Klassieker, pero tampoco pa polis y e municipalidad,” e asociacion a bisa den un declaracion, agregando cu ta spera cu sindicatonan di polis y gobierno por yega na un acuerdo pa por hunga e partido toch riba diadomingo.



Ministro encarga cu Turismo & Salubridad ta anuncia cu entrante **29 augustus 2024** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **koffiehuis- y un restaurantvergunning B** pa e parcela **Tanki Flip 82, Lok 8**. E permisionan aki ta concerni e.o. benta di bebida sterki por detal y cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permisionan menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.

Comic Relief US ta lansa wega nobo riba roblox pa yuda muchanan crea comunidad virtualmente y den bida real

(AP) - E nocion cu weganan online por yuda hungadonan desaroya habitonan caricativo tabata aparenta di ta ambicioso ora cu e fundacion anti-pobresa Comic Relief US a test su propio multiverso riba e aplicacion popular Roblox aña pasa.

Mientras filantropia ta lucha contra con pa autenticamente interactua cu generacionnan nobo di donadornan cu ta tecnologicamente abil, Comic Relief US su CEO Alison Moore a bisa cu tabata “audas” pa diseña un experiencia cu ta mantene e “briyo” di e organizacion cu ta tras recaudacion di fondo motiva pa entretenimento manera Red Nose Day.

Sinembargo e lansamento tabata suficientemente exitoso pa Comic Relief US expande e wega e aña aki. Kids Relief su di dos “Game to Change the World” anual lo mira un mundo magico nobo riba Roblox, un concierto exclusivo virtual y un partner den television pionero Nickelodeon.



E meta ta di cria empatia y recauda fondo via un scavenger hunt den varios mundo, asina yama ‘realm’, incluyendo SpongeBob SquarePants y Teenage Mutant Ninja Turtles. Usuarionan ta pasa via portalnan pa colecta hermentnan magico cu lo mehora nan alrededor. E ganashi genera via e weganan y compranan den dje lo ser duna den donacion.

E creacion di comunidad cu ta bini cu gaming colabroativo tin e intencion di encurasha actonan di bondad fuera di e wega tambe. “E ta un poco manera ami ta yuda abo, abo ta yuda ami, nos tur hunto. Mi ta stima e idea di

haci esaki den un espacio di wega,” Moore a conta The Associated Press. “E no tin e meta di ta un aviso cu ta bisa ‘haci bon’. E tin e meta di ta un modo di wega emblematico.”

Nickelodeon tambe lo promove un guia di instruccion pa muchanan por cuminsan nan propio proyecto local manera recaudacion di tas.

E misionnan ta ser entrega pa magonan interpreta pa icono di Doctor Who David Tennant, Tony Hale di “Veep” y Maitreyi Ramakrishnan di “Never Have I Ever”. Un di e magonan ta invita e usuari- onan “cuminsa un aventura

encanta pa lanta e curason di bo comunidad.”

E campaña lo culmina den un festival di musica den weekend riba Roblox cuminsando dia 13 di september cu lo tin bandanan conoci manera Imagine Dragons, ken su cantante principal Dan Reynolds a enfoca su filantropia riba causanan LGBTQ+. Actonan virtual ta inclui Conan Gray, Poppy, d4vd y Alexander Stewart, tur di nan celebridadnan cu a genera nan popularidad riba YouTube.

Moore a bisa cu e tabata “impacta” pa aña pasa su cifranan. E wega inaugural a ser hunga pa mas di 32 bion minuut y un di e conciertonan a ricibi e “rating mas halto” cu a yega di mira riba Roblox seugn Comic Relief US.

Donacionnan caricativo ta cada biaha haci mas via gaming, segun estrategista di negoshi Marcus Howard.

E fit ta bini di manera natural, considerando cu e hobennan mester balora experiencia manera gaming mas cu e posesionnan material cu

e generacionnan den pasado posiblemente por a compra na un subasta caricativo.

“E djis tin sentido,” Howard a comenta.

Sinembargo e ta haya cu partnernan mester surpasa e stigma negativo cu ta asocia cu salanan di chat online. Na su credito, Howard a bisa, cu Roblox ta combina e creatividad di e competidor popular Fortnite cu menos “toxicidad” a causa di su enfasis riba cooperacion mas cu competencia.

Comic Relief US a mantene den mente cu mester crea un wega cu ta atractivo pa tanto e muchanan como nan mayornan, Moore a comenta. Pa nabega e balans dificil aki, e fundacion a adopta un punto di bista cu e ta credita na Nickelodeon di a origina: Includi e mayornan den e combersacion pero papia cu e muchanan.

“Bon weganan ta bon weganan,” Moore a declara. “Bon weganan cu ta haci mi sinti bon ta algo bon.”

Nort Korea ta demostra drone nobo atacando mientras Seoul y Merca ta tene ehercicionan militar grandi



(AP) - Lider di Nort Korea Kim Jong Un a supervisa un demostracion di drone cu ta explota nobo diseña pa choka contra e blanco designa, media di estado a bisa dialuna mientras Merca y Sur Korea ta ehecuta simulacronan militar hunto.

Potretnan di e test Nort Koreano a demostra un drone blanco cu rabo den forma di X y halanan aparentemente ta choka den y destrosa un blanco cu ta similarn a Sur

Korea su tanki principal K-2. Mayoria drone di combati ta keda leu di e blanco y ta dispara misil.

Nort Korea su agencia oficial Korean Central News Agency a bisa diasabra cu e test ta involucra varios tipo di drone crea pa bula na diferente rango y ataca e blanco enemigo riba tera y lama y a bula den varios ruta prome cu el a yega na e blanco. Despues di e test, Kim a priminti cu e lo aumenta e desaroyo di drone cu ta explota na impacto, conduci reconocimiento of atake

bao awa pa mehora e preparacion di su pais den caso di un guerra, bisando cu Nort Korea su ehercito mester keda ekipa cu drone avansa “lo mas pronto posibel” segun KCNA.

E test di drone a bini mientras Merca y Nort Korea su ehercito a conduci simulacro Ulchi Freedom Shield conhunto, cual lo sigui anda te cu diahuebs. E ehercicionan aki ta enfoca riba mehora e preparacion contra menasanan Nort Koreano y ta inclui

weganan di guerra simula pa computer y training di disparo, cu un simulacro aereo combina cu ta inclui 60 avion di guerra cuminsando riba diauna.

Sur Korea su forza aereo a bisa cu e simulacro, cual a cuminsa cu demostracion di bom di precision cu ta inclui jet Sur Koreano F-35 y F-16, tin e meta di lidia cu menasanan Nort Koreano cu drone, artilleria y misil ta posee.

Merca y Sur Korea tambe a cuminsa dialuna un simulacro amfibio cu ta involucra

decenas di aeronave y barco for di nan departamento naval y marino, incluyendo Merca su F-35 y USS Boxer. Sur Korea su ehercito a bisa cu Ssangyong Exercise, cual lo sigui te cu dia 7 di september, tin e meta di haci e interoperabilidad di combate mas skerpi.

Algun analista ta sugeri cu e drone cu Nort Korea a demostra ta similar na Rusia su Zala Lancet-3 y cu Sur Korea ta investigando e posibilidad cu Rusia a yuda Nort Korea adkiri su capacidad di drone.



Accidente cu hende herida despues cu un chauffeur a dal riba trafico contrario!



Diadomingo anochi a drenta informe di un accidente cu hende herida dilanti Acero na Tanki Leendert, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda e chauffeur di e BYD F3 a bay banda robes di caminda y a bay dal riba un Nissan March di direc-

cion contrario drey esaki rond dal riba un Hyundai Accent. Debi na e fuerte impacto un dama pasahero den e BYD y un otro persona den e Hyundai Accent a resulta herida. Na yegada di e ambulans a atende e victimanan y a transporta unicamente e dama pasahero den e BYD kende recientemente a opera y ta keha di dolor.



Famia a yega na tempo na Casino net prome cu polis a hiba persona deteni



Diadomingo anochi a drenta informe di cu tin un persona haciendo cosnan raro na un casino banda di e lowrise hotelnan, mesora a dirigi un patruya na e sitio.

Na yegada di e patruya a bin compronde cu aki ta trata di un homber burachi y net ora nan ta bay detene su famia mes a yega y a bin busk'e polis a laga su famia hib'e y wak p'e.

Nissan Tiida a dal tras di un Harley Davidson y a subi parcialmente riba e brommer



Diadomingo atardi a drenta informe di un accidente cu hende herida banda di Citgo L.G. Smith blvd., mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda

e chauffeur di Nissan Tiida no a regula su velocidad ni a mantene distancia a bay dal tras di un Harley Davidson. Manera e motociclista a sinti impacto el a logra bula y evita un mal caida. Na yegada di e ambulans nan a atende e victima.

Polis a detene homber cu a maltrata muhe na Kamerlingh Onnesstraat

Diadomingo mainta a drenta informe di un problema di pareha cu ta bayendo for di man na Kamerlingh Onnesstraat, mesora a dirigi un patruya na e sitio.

Na yegada di e patruya a bin compronde cu aki ta trata di un problema di pareha unda e homber a bay over na violencia y a maltrata e muhe. Mirando e agresion polis a detene e agresor.



Varios auto a keda kima y 2 persona a bira malo di huma durante un candela na Rooi Koochi!



Diadomingo atardi a drenta informe di un candela basta grandi na Rooi Koochi cual tabata menasando autonan cerca, mesora a dirigi tanto polis como bombero.

Na yegada di e patruya a nota cu ya caba e autonan a pega na candela y 2

persona lo a inhala basta huma y nan a bira malo. Na yegada di 3 unidadnan di bombero nan a inicia cu un atake directo y duro pa asina purba contene y paga e candela completamente. Un rato despues a presenta ambulans cu a duna asistencia na esnan cu a inhala bastante huma.

4 turista a keda pega pa mas di 40 minuut den lift di Levent



Diadomingo madruga a drenta informe di cu tin 4 turista cu a keda pega den lift di Levent, mesora a dirigi polis, bombero como tambe ambulans na e sitio.


Na yegada di e patruya a bin com-

pronde cu bomberonan ya a caba di rescata e turistanan aki a keda pega pa mas di 40 minuut den e lift y nan tabata tur sofoca y spanta pa cual motibo e ambulans tambe a presenta. Nan tur a trankilisa y a pasa un susto grandi.

Polis a detene homber cu a yega burachi na apartamento y menasa tur hende cu e ta bay corta nan

Diadomingo madruga a drenta informe di cu tin un persona a yega burachi na un apartamento na Bushistraat y tabata menasa di bay corta nan, mesora a dirigi patruyanan na e sitio.

Na yegada di e patruya a bin topa cu e homber aki y a deten'e. E vehiculo di transporte a yega y a hiba e homber na warda di polis.



Polisnan tabata busca un persona hinca den lomba banda di highrise hotelnan



Diadomingo madruga a drenta informe di cu tin un persona canando cu un hinca den lomba na e hotzone banda di e highrise hotelnan, mesora a dirigi e patruyanan na e sitio.

Polisnan a busca rond pero no a logra encontra cu e persona aki. Un rato despues polis a compronde cu el a ser hiba cu un auto particular caba pa hospital.

Brommer aparentemente horta haya na candela na Papon



Diadomingo madruga a drenta informe di cu tin un candela na Papon, mesora a dirigi tanto polis como bombero na e sitio.

Na yegada di e patruya a bin encontra

un brommer ful na candela. Na yegada di bombero mesora a paga esaki y haya un plachi number cu lo ta indica cu aki lo ta trata di un brommer cu recien lo a ser horta.



Persecucion cu a cuminsa na Madiki a termina na Pascalstraat cu un detencion

Diadomingo madruga durante patruya polisnan atento a nota un auto sospechoso cometiendo un infraccion na Madiki, mesora e patruya a ay su tras pa par'e pero e no kier a para.

E persecucion a sigui te na Pascalstraat unda e hoben chauffeur a yega su cas. Polis mesora a detene pa incumplimento di ordo policial pa e para. Adem as a bin hay'e cu cosnan illicito y a confisca esakinan.



Minister Endy Croes ta invita e studiantenan cu ta continua cu nan estudio avansa na Hulanda pa un sesion informativo den september

Recientemente, Minister Endy Croes a reuni cu Sr. Gilner Dirksen, unda a trata e proyecto di Studentenkamer. E proyecto a inicia na aña 2022, na momento cu Arubahuis a indica cu tin problema grandi cu vivienda na Hulanda y a urgi e mandatario di Enseñansa pa organisa sesion informativo pa e studiantenan cu ta continua cu nan estudio avansa na Hulanda.

E meta ta pa yuda y motiva e alumnonan inscribi pa camber (studentkamer) na tempo. Manera ta conoci, e guera na Ucrania y Israel ta pone cu Hulanda ta hayando

mas refugiado. Esaki ta trece cune cu e cupo di camber ta bira menos. Aña pasa e lista di espera pa haya un camber ta di 1 pa 2 aña, pero pa e aña aki esaki a bira di 2 pa 4 aña. E camber di e ciudadnan, manera Utrecht y Eindhoven ta limita y e lista di espera a bira di 3 pa 4 aña. E di tres edicion di e proyecto Studentenkamer ta tuma luga den luna di september proximo na Gloria Theater.

Durante e sesion informativo lo tin diferente orado profesional cu lo brinda informacion di entre otro alojamiento (huisvesting) na Hulanda. Lo a comparti e retonan pa haya un vivienda na

Hulanda. Seccion Facilidat pa Estudio di Departamento di Enseñansa di Aruba (DEA) lo duna informacion di e finansa di Arubalening y con pa yega na un prestamo, alabes a contesta e preguntanan relaciona cu e topico aki. Adicionalmente, Sra. Paloma Osorio di Fundacion Plan di Bida lo duna informacion na e alumnonan tocante maneho di presupuesto. Sra. Lisanne Sambo-Gomez di Realign Caching, Consultancy & Services lo trata e topiconan: escogencia di estudio y con pa yena e formularionan. Tambe ta importante pa prepara tanto e mayor, como e estudiante pa e reto nobo aki. Sr. Franklin Seute, autor y orado di e

buki "Living Rich as a Student in the Netherlands" lo comparti hopi tips valioso di entre otro, maneho di placa como estudiante. High Education North America Expo lo presenta diferente posibilidad cu tin pa studia na Merca.

Pues, e alumnonan di havo

3, 4, 5, vwo 4, 5, 6, EPI, De Shakkel y nan mayornan ta cordialmente invita pa e sesion informativo aki. "Den transcurso di e simannan nos dilanti, nos lo bishita e scolnan y por comparti mas informacion di e sesion informativo", Minister Endy Croes a finalisa.

Sintonisa awe Programa Informativo recapitulando siman di trabou den enseñansa y deporte


A traves di TeleAruba, Canal 22 y pagina di Facebook

















Gabinete Wever-Croes


Minister di Enseñansa y Deporte Endy Croes ta invita e comunidad di Aruba pa sintonisa un Programa Informativo, unda e lo recapitula su siman di trabou y elabora riba logronan den tanto den enseñansa, como den deporte entre otro, introduccion di Papiamento den klas 1 e aña aki, bishita na Scol Primario Kudawecha y Reina Beatrix, Seleccion Femenino di Aruba U15 cu a titula campeon di Concacaf, Brittania cu a titula campeon copa ABC, torneo Badminton, Biblioteca Nacional cu a cumpli 75 aña di existencia y Seleccion di Baseball U12 cu a regresa di World Series.





Pueblo di Aruba ta keda cordialmente invita pa sintonisa e Programa Informativo di aranson, 28 di augustus 2024. 7:30 pm, a traves di Canal 22, TeleAruba, pagina di Facebook Gabinete Wever-Croes y Minister Endy Croes.


Resultado Sorteo Augustus 27			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
2636	3097	4810	4877
9550	3608	SUPER5	7134
6432	7536	42866	6249



MERDIA	ANOCHI
 Sorteo # 4370 9073 9922 0397  X5  Sorteo # 4370 1074  X3  Sorteo # 2426 9790  Sorteo # 4370 0245 Capricornio  Sorteo # 1244 336  X5	 Sorteo # 8331 5637 8155 7075  FP  Sorteo # 7375 5116  X2  Sorteo # 2080 3109  Sorteo # 6134 4951 Capricornio  Sorteo # 1064 309  X2

 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 255.000,-
---	--

 Sorteo # 6576 0 x Jackpot 6 x Match 4 205 x Afl. 8,00	03-06-15-20-21 Proximo Jackpot 53.000,-
---	---

 Sorteo # 1692 0 x Jackpot 1 x match 4 13 x Afl. 500,00 172 x Afl. 50,00 278 x Afl. 15,00	02-12-14-29 Mega Ball 10 Proximo Jackpot 900.000,-
--	---

 Sorteo # 	Afl. 1.350.000,-
---	------------------

 Sorteo # 	
---	--

King Classic Sudoku

6	5			9	1		7	
4			8			3		6
		3	6			1		
7		9	1	2	4			3
		6	7	8				1
1		5	9		3		2	
				3				9
9	7	4		1				5
3		1			9			4

Difficulty: ★★

5/28



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel: 297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Paradera Centro Medico-
Tel. 588 6638 Tel. 584 4833
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cuminda ultraprocesa ta tur caminda; Con malo nan ta?

Parti 1 - Introduccion



(AP) - Sea cu bo sa of no, hopi hende no ta pasa ni un dia of ni un cuminda, sin cu nan ta consumi cuminda ultraprocesa.

For di cereal cu hopi sucu mainta te pizza di freezer anochi, y e snacknan durante dia cu ta come manera ice cream, chips of refresco. Tumando Merca como ehempel, cuminda ultraprocesa ta forma te hasta 60% di e dieta di Mericanonan. Pa muchanan y hobennan, e porcentahe ta hopi mas halto ainda.

Esaki ta preocupante pa motibo cu cuminda ultraprocesa ta coencta cu un gran cantidad di efectonan negativo riba e salud, for di obesidad y diabetes te cu malesa di curason, depresion, demencia y hopi mas. Un di e estudionan ehecuta recientemente a sugeri cu come e tipo di cumindanan aki por aumenta e riesgo di un morto trempan.

Ciencia den nutricion ta dificil, sinembargo, y mayoria di e investigacion tocante esaki a haya conexionnan so pero

no prueba concreto tocante e consecuencianan den salud di e cumindanan aki.

Fabricantenan di cuminda ta argumenta cu e procesonan ta aumenta e seguridad di e cuminda y suministro ademas di ofrece un manera conveniente y menos costoso di provee un dieta nutritivo y diverso.

Hasta si e ciencia tabata completamente cla cu esaki, toch e lo keda dificil pa sa ki conseho practico pa duna ora cu e tipo di cumindanan ultraprocesa ta responsabel pa loke e estudio ta calcula di ta

73% di e suministro di cuminda na Merca.

The Associated Press a haci varios pregunta na varios experto di nutricion, y a base di nan contesta a traha un resumen unda ta brinda diferente punto di bista tocante esaki.

Proximamente, nos lo ta publicando e diferente punto di bista aki pa asina aumenta e conscientisacion den nos tocante kico nos ta consumi y ki efecto esaki posiblemente tin riba nos salud.

Pronostico di tempo

Tempo:

Awe tardi y awe nochi: parcialmente nubia y generalmente seco
Den marduga y mañan: temporalmente hopi nubia cu un awasero breve

Temperatura maximo 34 grado Celsius
Temperatura minimo 28 grado Celsius
Indice di calor (heat index) den y rond di oranan di merdia: 35 pa 42 grado Celsius
Uv index: 12

Bahada di solo: 6:53pm
Subida di solo: 6:29am

Biento:

Modera for di direccionnan entre oost-noordoost y oost-zuidoost; forsa 3 te 4 (12 te 30km/ora, 7 te 16 nudo). Durante di dia basta fuerte te posiblemente fuerte den rafaga; forsa 5 te 6 (31 te 50km/ora, 17 te 27 nudo)

Situacion general di tempo:



Na e momentonan aki no tin disturbio cu por afecta weer local. Humedad disponibel den region por combina cu e calentamento di dia pa induci un awasero local.

Condicionnan maritimo/estado di lama:

Na partinan protege di costa: keto, rond di 1 pia.
Na partinan zuid: trankil te modera, rond di 2 pia.
Na partinan oost te noordwest di costa: modera cu olanan alrededor di 3 pa 4 pia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Jesus a bise: "Amita e resurekshon i e vida, esun cu kere den
Mi lo biba, maske e muri, i tur esnan k uta biba i ta kere den
Mi lo no muri nunca, Bo ta kere?
Juan 11:25- 26

Cu hopi dolor na nos curason pero conforme cu voluntad di
Dios nos ta anuncia fayecimento inespera di nos casa, tata,
opachi/awelito, ruman, tio, primo y amigo stima:



**Pedro H. Croes Mihor conoci como
"Tico" of "Pachi"**

Casa: Rita Croes-Plaza
Yiunan: Zuzette Croes
Zahaira Croes & Rapha Pantophlet
Nieto-/Nietanan: Ameer Lioe-A-Tjam
Amaury Lioe-A-Tjam
Evander Nedd
Brady Pantophlet
Brianna Pantophlet

Rumannan:
Sra.Vda. Rosa Evelina Holman- Croes
Sra. Clara Aurora (Aura) van Ommeren- Croes y Reuben
(Boy) van Ommeren
Juffr. Gloria Maria Croes
Sra Ida Philomena Croes
Manera Ruman: Julia Calero
Swa-/Cuñanan: Zonaida, Juan Rebelleto- Plaza y famia na
Argentina

Jolanda Plaza y famia na Colombia
Fernando, Rosa Plaza- Navas y famia na

Colombia

Carmen Garcia y famia na Colombia
Marlene Garcia y famia

Sobrino-/sobrinanan: Jorge , Esther Jaquin y famia, Anna
Maria Holman y famia, Ryan, Charlaine Alexander y famia,
Darren van Ommeren y Amber Benitez y famia, Clarice
Holman y famia, Kevin van Ommeren y Janira Kock y famia

Su Primo-/Primanan: Croes, Tchong, Wever, Lacle,
López,Flemming (Aruba y Corsou), Koolman, Samson
Ex -Coleganan: Aruba Caribbean Hotel & Casino, Crystal
Casino, Maggy's y otronan.
Su bon bisñanan: Balza, Cruz, Orozco- Sarmiento,
Gastelbondo, Mejia, Diaz y Wilford
Su Ihanan: na Aruba y Colombia
Su comer-/compernan: na Aruba y Colombia
Amiga stima na Orlando, FL.: Ramona Brunk
Amigo-/Amiganan: Walter "Cholin" Croes, Daisy Cugia y
famia Aljadis Calero y famia, Carmen,
Manuel y famia, Juana Koolman y famia, Melvis Charrys y
famia
Demas famia: Croes, Plaza, Garcia, Henriquez, Bisslik,
Lioe-A-Tjam, Nedd, Pantophlet, Nava, Zschuschen,
Gomez, Holman, van Ommeren, Alexander, Huntington,
Jaquin, Bremer, Blom, Solognier, Jacobs, Inecia, Mozo-
Diaz, Fingal, Tromp, Tevreden y Joaiza.

Nos ta invita tur demas famia, amigo, bisña y conocirnan
pa asisti na acto di entierro cual lo tuma lugar diahuebs 29
di augustus 2024, di 2or pa 4or di atardi na Misa La Birgen
di Fatima na Dakota despues pa Santana di Sabana Basora.

Oportunidad pa condolencia lo ta dianrason, 28 di augustus,
2024, di 7or pa 9or di anochi na Aurora Funeral Home.

Nos disculpa si den nos tristesa nos por a lubida di menciona
algun famia.

Nos ta lamenta cu despues di entierro nos no ta ricibi bishita
di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Habri portanan santu pa mi,mi ke dreña y alabá Señor. Ata
e porta di Señor akí,
tur e fielnan ta pasa den dje.Mi t'alabá bo pasobra B'a skucha
mi, pasobra B'a manda mi salbashon. Salmo 118: 19-20-21

Nos ta anuncia fayecimento di:



**Sra. Annie Kelly
Mihor conoci como:"Nani"**
*20-11-1937 – †22-08-2024

Na Number di:

Su Tata den Feliz Memoria: † Pieter J. Kelly
Su Mama den Feliz Memoria: † Anna Maria Kelly –
Croes

Su Rumannan:
† Toni y Diana Hernandis – Ras
Keta y † Dudu Adonis – Hernandis
Irma y † Roman Kock – Kelly
Elsa y † Mario Dania – Kelly
Lucia y Elio Maduro – Kelly
Michael y † Silvia Kelly – Croes
Rufo Kelly

Su Sobrino y Sobrinanan:
Roseline y † Richard Fingal – Kock
Ricky y Mercedes Kock – Maduro
Lyanne Maduro
Lisette y Ernst Mohamed-Adones i famia
Gina Adonis i famia
Edmond Adonis
Giovanny Dijkhof i famia

Sobre Sobrino y Sobrinanan
Tamara Fingal
Shadira Fingal
Igmarr Kock
Omar Kock i famia

Tanta y Omonan,
Primo y Primanan

Aydante Stima: Anna, Luci, Tina y Angie
Su Docter Stima: Dr. Aruna Singh
Ta invita demas famia, bisña, amigo(a)nan y
conocirnan pa asisti na e acto di entierro cual lo tuma
lugar Diaranson 28 di August di 2:00 pa 4:00 di atardi
na Royal Funeral Home. Despues lo Sali pa Santana
di Misa di Paradera.

Nos disculpa si den nos tristesa nos por a lubida algun
famia of conocir.

Nos ta lamenta cu nos no lo ricibi bishita di
condolencia na cas despues di entierro di nos defunto
stima.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hiba mi na awa tranquil, Pa mi bolbe haña forsa"
Salmo: 23

Nos ta participa fayecimento di nos Mama, Wela, Bisawela,
Ruman y Tanta:



**Lilian Elma
Theysen
Cariñosamente
jama: "Mama",
"Lily" of "Lita"**
30 Juli, 1946 – †
24 Augustus, 2024

Na number di su:
Mama: Sra. Vda. Fabia Nogra Kock
Tata: † Simeon Theysen

Yiunan:
Donald (Donny) y Liliana Lacle-Peada
Lisandro y Viola Lacle-Arrindell
Aldrin y Jacqueline Lacle-Bermudez
Oldrin y Princess Lacle-Tatlonghari
Julissa Lacle y yuinan

Stima manera yiu:
Nieves Sosa y Famia
Wendy Theysen y Famia

Nieto-/Nietanan:
Giomar Lacle y Melissa Denekamp
Yrlaine Lacle y Chayenne Erasmus
Mitchell Lacle
Donnalisa Lacle y Nathan Winterdaal
Elienn Christiaans
Sjaïr Lacle y Mirielle Tromp
Michael Christiaans y Jesvany Colina
Angeline Lacle
Alixienne Lacle
Alexander Lacle
Odriia Lacle
Bisanieto-/Bisanietanan:
Jayzion, Stephan, Jaynalissa, Jaylienne, Maylea y Nyx-
Dayvion

Rumannan:
Emerenciano Emmy Theysen y Famia
Rosa Abramo Theysen y Famia
Irene Velasquez Theysen y Famia
Walter Theysen y Famia
Raymond Theysen y Famia
Brenda Hermesen Nogra y Famia
Mirto Nogra y Famia
Marcia Maria Nogra y Famia
† Yvonne Theysen
Palmira Theysen
† Cynthia Theysen
Glenda Theysen

Su Iha: Zaira Croes

Su tanta: Filomena Gonzalez Kock

Subrino- y subrinanan, primo- y primanan y demas famianan:
Theysen, Nogra, Kock, Lacle, Peada, Arrindell, Bermudez,
Tatlonghari, Christiaans, Velasquez, Sosa, Croes, Abramo,
Hermesen, Gonzalez, Henriquez, Martijn, Rujano Garcia,
Winterdaal, Gill, Maria, Zichem, Wouters, Banfield, Colina,
Erasmus, Denekamp, Tromp, Dijkhoff, Geerman

Iglesia Universal Reino Di Dios

Ta invita tur famia, amigo, bisña y conocirnan pa asisti na acto
di condolencia y despedida cual lo tuma lugar 28 di augustus
2024, di 2or pa 4or p.m. na Aurora Funeral Home y despues
lo sali pa santana na Sabana Basora.

Deseo di difunto ta pa bisti na colorman alegre.

Nos disculpa si den nos tristesa nos por a lubida di menciona
algun famia.

Nos ta lamenta cu despues di entierro nos no ta ricibi bishita
di condolencia na cas.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y flornan por seca, su recuerdonan y tur loke el
a haci y significa pa nos, lo keda graba pa semper den nos
mente y curason.

"Cerca Dios mi alma ta na paz, ta di DJ'E mi salvacion ta
bin"
Salmo 62:1

Cu dolor na nos curason nos ta anuncia fayecimento di:



Mildred Gertrude de Cuba
Mihor conoci como: "Mimi of Tia Mimi"
*15-03-1941 - †22-08-2024

Na number di su:

Rumannan:
†Grace, †Hans
†Ronnie, †Rina
Eric y Maria
†Nochi, Joyce
Roy y Mena
Nel y Enid
†Anthony, †Zoraida
Isaac y Claire

Sobrino(a)nan:
Inge, Jerry, Heidi
Marilyn, Astrid, Ronchi, Rachelle
Eric Jr, Gillian, Javier
Ariadne, Dhyanthé, Norman Jr.
Dorothy, Astrid, †Ricky, Roberto
Dhyanne, Lionel
Isaiah, Zoë
Nigel, Nadine

Tanta:
Rina Arendsz-de Cuba y famia

Demas famia, primo(a)nan, amistadnan y bisifanan.

Ta invita pa e acto di condolencia y entierro cu lo tuma
lugar Diasabra 31 di augustus 2024 na Aurora Funeral
Home di 9:00 am pa 11:00 am y despues lo Sali bai pa
santana catolico na Playa. Considera esaki como un
invitashon personal.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Ki alegria, ora nan a bisa mi:
"Ban cas di Señor!"

I awor, ata mi aki para na bo porta Señor.
Salmo 122

Cu dolor na nos curason pero conforme cu Dios su
boluntad, nos ta anuncia fayecimento di nos casa, tata,
welo, bisawelo, ruman, omo:

Vicente Querino
Ras
Cariñosamente
yama:
"Querino"
*19-07-1946 - †22-
08-2024



Na number di su:
Esposa:
Heddy Ras-Ponson
Yunan:
Deyanira y †Mervin Tromp-Ras
Jairo
Vladimir y Stephanie Ras- Biladeau
Renwick y parcha
Nieto(a)nan:
Raimbert Ras y Teresa Tromp
Marvelynne Tromp y Jermaine Wilson
Myron Tromp
Ayrton Ras y Myriexmar Nuboer
Manuela Gonzalez
Adriana Ras
Shayla Biladeau
Bisanieto(a)nan:
Ashton
Axmary
Luciana
Rumannan:
†Maximon & †Brunetta
Olga y †Maximo
Joseph y Mirna
Ivanio y Reinalda
Juancito y Annelies
Su lha:
Monique Kemp-Ras
Tur subrino y subrinanan, primo y primanan,

Su care givers nan di Koningin Wilhelmina Kankerfonds sra.
Evi Popke, Joe Dirks y Lola Geerman

Famianan:
Ras, Ponson, De Mey, Tromp, Wanopa, Nicholson, Biladeau,
Quandus, Webb, Wauben, Capriles, Curie, Winterdaal, de
Cuba, Kock, Dirks, Donata, Olive, Maduro, Croes, Kelly,
Wilson, Pabon, Baarh, Chen, Pellemans y demas famianan na
Aruba, Merca y Hulanda.

Gruponan:
Coro La Escala
Koor Amical
Academia Musical Harpa y Cuarta
Flor di Aloe
Koor San Francisco

Ta invita demas famia, bisina, amigo(a)nan y conocirnan pa
asisti na e acto di entierro cual lo tuma lugar Diabierna 30
Augustus 2024 na Pro Cathedral San Francisco for di 2'or pa
4'or di atardi. Despues nos lo hiba Querino na su ultimo
lugar di sosiego na Santana Catolico na Paradera.

Oportunidad pa Condolencia lo tuma lugar Diahuebs, 29 di
Augustus 2024 na Aurora Funeral Home for di 7'or pa 9'or
di anochi.

Nos disculpa cu si den e momento nan di tristesa aki nos por
a lubida di menciona un famia of conocir.

Ta lamenta cu despues di entierro nos no por ricibi bishita di
condolencia na cas.

*Mirando e tremendo cuido y atencion brinda door di
Koningin Wilhelmina Fonds un donacion lo ta altamente
aprecia. Lo tin un box disponible pa esaki.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Cu inmenso tristeza na nos curason, nos ta participa
fayecimento di mi esposa



Violeta Madeleine Reyes-Lam
*02-09-1942 - †25-08-2024

Na number di su:

Esposo: Ramon (Monchi) Reyes

Ruman: Jean y Lucas Morales-Lam

Sobrina: Melissa Morales

Sobrino: Armando Morales

Demas famia: Reyes, Soto, Lam, Morales, Maduro,
Tromp, Bustillo, Quandt, Wever, Ridderstap

Amidastadnan y amiganan

Oportunidad pa despedida lo tuma lugar diahuebs 29
di augustus 2024 na Aurora Funeral Home di 2:00 pa
4:00 pm, sigi pa e acto di cremacion.

Despues di entierro no ta ricibi bishita di condolencia
na cas.


Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba

"Su biahe na e mundo aki por a yega na
su fin, pero su impacto den nos bida
nunca lo termina. Den cada recuerdo keri,
su presencia ta keda ancla,
brindando nos consuelo y guiando nos pa
bai dilanti". – A.M.

Cu imenso tristesa ta anuncia
fayecimento di:

Stefanus
Adrianus
Maduro
mihor conoci
como "Quito"
*02 September
1955 - †20
Augustus 2024



Acto di despedida lo wordo anuncia despues.



Decenas di hende asesina durante varios atake den un provincia Pakistani

(AP)—Perpretadornan den suroeste Pakistan a asesina al menos 38 hende den tres atake separa di-aluna, segun oficialnan, mientras cu e ehército a bisa cu forsan di seguridad a mata 21 insurgente, marcando un di e dianan di violencia mas mortal den e provincia di Baluchistan, cu reportahenan drentando di otro tiroteo y destruccion den area.

23 hende a ser tira fatalmente durante oranan di anochi despues di a ser transporta for di busnan, vehiculo- y trucknan na Musakhail, un distrito den Baluchistan, segun agente policial senior Ayub Achakzai a bisa. E atacadornan a kima al menos 10 vehiculo prome cu huy.

Den un atake separa, perpretadornan a mata la menos nueve hende, incluyendo cuatro agente policial y cinco ciudadano, den e distrito di Qalat den Baluchistan, manera autoridadnan a bisa. E curpanan di seis hende a ser descubri den Bolan, unda insurgentenan tambe a explota un pista di trein. Tambe nan a atake un warda di polis na Mastung y a ataca y kima vehiculonan na Gwadar, tur districtonan den Baluchistan. No a reporta ningun casualidad den e atakenan ey. E ehército a bisa cu 14 forsa



di seguridad a ser “martirisa” mientras nan tabata respondiendo na e atakenan. Ta parce cu e mortonan ey tambe ta inclui den e conteo di morto. “Actualmente ta conduciendo operacionnan di Sanitizacion y e instigador-, perpretador-, facilitador- y complicenan di e actonan terrible y cobarde aki, atacando ciudadanonan inocente, lo enfrenta husticia,” e ehército a bisa den un declaracion.

Sarfraz Bugti, e chief minister na Baluchistan, a conta reporteronan na Quetta cu operacionnan contra e insurgentenan ta na caminda, e “esnan cu a mata nos ciudadanonan inocente y seguridad lo ser aborda cu un forsa completo.”

Baluchistan ta un escenario di insurgencianan frecuente na Pakistan, cu un variedad di gruponan separatista organisando atakenan, principalmente riba forsan di

seguridad. E separatistanan ta demandando independencia for di e gobierno central na Islamabad. Aunke autoridadnan Pakistani a bisa cu nan a calma e insurgencia, violencia den Baluchistan a persisti.

E atakenan na Musakhail a bin algun ora despues cu e grupo separatista yama e “Baluch Liberation Army” den Ingles a adverti hende pa keda leu for di highwaynan mientras nan ta lansa atakenan riba forsan di seguridad den varios parti di e provincia.

Pero no tabatin ningun declara responsabilidad pa e asenatonan mas recien.

Den un declaracion ayera, BLA a solamente bisa cu el a causa perdidan pisa riba e forsan di seguridad durante atakenan den e provincia. E ehército y e gobierno Pakistani no a duna comentario riba e declaracion ey.



Frecuentemente e grupo ta duna cifranan exagera di e casualidadnan di tropa. El a bisa cu un bomber suicidio femenino tambe a tuma parti den e atake riba forsan di seguridad.

Separatistanan ta conoci pa puntra hende pa nan carchi di identificacion, y despues secuestra of mata esnan cu ta no ta for di e provincia. Hopi victimanan recien a bin for di e provincia Punjab.

Uzma, Bukhari, un vocero pa e gobierno provincial di Punjab, a denuncia e asenatonan recien, bisando cu e “atakenan ta un asunto di preocupacion grave” y ta urgiendo e gobierno di Baluchistan pa “aumenta esfuerzonan pa elimina teroristanan di BLA.”

Presidente Pakistani Asif Ali Zardari, prome minister Sheaz Sharif y minister di Asunto Interior Mohsin

Naqvi a yama e atakenan na Musakhail “barbarico” y a priminti cu esnan responsable no lo scapa husticia.

Separatistanan na Baluchistan frecuentemente a mata trahadornan y otro for di e region Punjab como parti di un campaña pa forsan sali for di e provincia. Mayoria asenatonan asina den pasado a ser culpa riba gruponan ilegal y otronan demandando independencia for di e gobierno central. E Taliban Pakistani tambe tin un presencia den e provincia, y nan ta conecta cerca cu e BLA.

E Taliban Pakistani, conoci como Tehreek-e-Taliban Pakistan, ta un grupo separa pero alia cu e Taliban Afgano, ken a tuma over poder na Afganistan na 2021 mientras e tropanan di ONU y NATO tabata den e etapanan final di nan retiro for di e pais despues di 20 aña di guerra.

Taliban ta rechasa preocupacionnan di ONU tocante leynan prohibiendo hende muhe usa bos of muestra cara den publico

(AP)—Dialuna e Taliban a rechasa preocupacionnan y critica for di e Organizacion di Nacionnan Uni (ONU) tocante e leynan nobo di vircio y virtud cu ta prohibi hende muhe na Afganistan pa muestra cara y papia den espacionan publico.

Roza Otunbayeva, ken ta lidera e mision di ONU den e pais, UNAMA, a bisa diadomingo cu e leynan ta duna un “vision angustioso” pa e futuro di Afganistan. El a bisa cu e leynan ta extende e “limitacionnan ya caba intolerable” riba e derechonan di hende y mucha muhe, cu “hasta e zonido di un bos femenino” pafo di cas aparentemente ta presenta como un violacion moral.

Zabihullah Mujahid, voc-

ero principal pa e gobierno di Taliban, a adverti den un declaracion contra e “arrogancia” for di esnan cu no ta familiar cu e ley Sharia Islamico, particularmente hende no musulman cu por expresa reservacion- of obhecionnan.

“Nos ta urgi pa un compromendemento amplio di leynan aki y un reconocimiento respetuoso di balornan Islamico. Pa rechasa e leynan aki sin un compromendemento ta, den nos perspectiva, un expresion di arrogancia,” el a bisa.

E gobernantenan Taliban di Afganistan a implemente di-aranson siman pasa e prome set di leynan pa preveni vircio y promove virtud den e pais. Esakinan ta inclui un rekisito pa un hende muhe tapa su cara, curpa y bos pafo di cas. Tambe ta nan prohibi



imagennan di sernan bibo, manera potret.

“Despues di varios decada di guerra en medio di un crisis humanitario terrible, e pueblo Afgano ta merece hopi mas miho cu biba bao menasa of ta encarcela si nan ta laat pa

resamento, ta mira un miembro di e otro sexo cu no ta miembro di famia, of tin un potret di un ser keri,” Otunbayeva a bisa.

Como respuesta na e declaracion di UNAMA, Muhajid a agrega, “nos mester subraya

cu e preocupacionnan treci dilanti pa varios partido no ta cambia e Emirato Islamico for di su compromiso pa mantene y eherce ley Sharia Islamico.”

UA ta yama studiantenan nobo bonbini, enfocando riba Conexion y Crecemento



Oranjestad – Universidad di Aruba (UA) a yama mas di 265 estudiante nobo bonbini na su campus riba dianan 21 y 22 di augustus 2024. Cu enfoko riba ‘Celebra logro y Crea conexiannan duradero’, Universidad tin como meta ofrece un ambiente calido y solidario pa e studiantenan nobo.

Segun cu e instituto ta transformando den un centro di conocimiento lider, UA ta reconoce cu construccion pa engrandece e estudiante su experencia general ta den proceso ainda.

Universidad ta pidi e studiantenan amablemente pa tene poco pasenshi mientras e ta trahando diligentemente pa mehora su facilidad- y servicionan, incluso opcion pa transportacion.

Pa fomenta un sentido fuerte di comunidad, UA lo expone su logronan riba su plataforma di medianan social, invitando studiantenan pa conecta riba LinkedIn, Facebook, y Instagram.

E speransa ta pa inspira y involucra e estudiante nobo door di comparti Universidad su logronan.

Na nomber di su hunta y staf UA ta extende un caluroso bonbini na tur estudiante cu ta bay dreña universidad. Universidad ta curasha tur estudiante pa ta curioso y participa na e bida di campus y purba haci un impacto positivo.

‘Nos ta kere cu door di traha hunto, nos ta crea un comunidad di Universidad prospero na unda studiantenan ta logra alcanza nan potencial! ‘Nos ta ansioso pa sostene nos studiantenan riba nan biahe educacional y pa yuda nan logra nan metanan.

UA ta invita comunidad di Aruba pa compana nos durante celebracion di e logronan di su studiantenan y staff mientras universidad ta sigui crece y evoluciona.

Bon bini y exito na tur estudiante pa e aña academico 2024-2025

